

嶺南羣雅

嶺南羣雅

番禺劉彬華藻林輯

劉鶴鳴

字禹甸別字松崖香山乾隆庚午舉人官欽州學正著

有松崖詩鈔

玉壺山房詩話松崖司鐸時緣事株連放楚島離憂於湘水弔屈原於澤畔濡染淋漓亦復纏綿悱惻庶乎不失忠厚之旨殆窮而後工者也吾粵詩人近推魚山先生爲一大宗松崖詩沉頓而有神興雁行其間當無愧色顧談藝家頗少推重豈以遷客賜環猶鬱而未彰耶

送朱經山歸新田

歲晏千端集臨流一送君雲山愁對酒風雪感離羣木落江皋

暮天寒雁影分白頭憐小阮惜別意紛紛經山爲靜菴姪

心共清湘急帆飛古渡塵九疑連去路三載未歸人風物催遊

子寒暄訴老親知君到家後猶是未閒身

重陽獨步郊外放歌

身不問春與秋家不問升與斗日日江潭樹底行屈指今朝是  
重九欲赴黃墟無酒錢欲上龍山怕回首願酬佳節豈無人誰  
爲樊川開笑口登高賦詩凡幾輩誰與少陵作對手西風陣陣  
吹荒徑黃葉飛飛滿原藪童孺斑白盡吾徒鴻雁鵲鵲皆我友  
君不見戲馬臺前迹已朽英雄昔日爭趨走又不見陶公解組  
賦歸來籬邊日對黃花酒繁華寂寞總浮雲洗眼乾坤竟何有

己亥秋日書懷寄佩書佩華

獨立晚蒼茫蕭條百草黃夕陽颿影駛烟樹嶺雲長心事聊時

序家書懶寄將鵲鵲原上望空羨雁成行

時得家兄計音

浪喜聞烏鵲驚心問遠舫流年看古樹客夢滿寒臯莫憚長途

苦應憐屬望勞青萍今尙在不似舊時豪

三月三日同人修禊一葉菴

青陽競幽姿新禽唳晴空溶溶鵬綠水蕩蕩麴塵風迢遙指西  
郊蓮宇歸然崇永懷王內史作序窺神工寥寥千載下古調誰  
能同

溪漲鷗羣樂庭陰鶴夢閒綠蘋冒清池水色搖花關春衫八九  
人列坐看遠山行杯無留滯點筆凌謝顏微雨灑修竹天風鳴  
佩環冥冥見歸鴻佇立誰爲攀

文采縱橫飛清談次第引竹塢散疎鐘松濤轉幽韻廣文酒百  
觚威儀愈清峻羣公氣奔放振衣欲千仞我才如莒邾追隨楚  
與晉懜懜意飄忽臨風搔短鬢

昏鴉布叢林濕雲冒前嶺濛濛暝烟生颯颯風色猛且復坐斯

須莫愁雙屐冷花發約重來黃鸝已先請歸路晚霏微橫塘散  
清影

望四兒佩華不至

昨得南來信初冬已載塗遇時偏雨雪牽夢又江湖風急頻祈  
禱宵深立路衢過期猶未至老眼日模糊

七夕與甥鄭晃兒佩書夜話

銀河光灩灩纖月影斜斜坐憶橫塘侶難尋清漢槎支離秋意  
淡衰颯髣髴絲華骨肉今宵共翻愁歸路賒

誰人將爾輩少壯已蹉跎親戚垂憐少詩書得淚多殘棋無好  
着美酒且停歌未有謀生策飢寒可奈何

訪故半爲鬼稱名不記人衣冠新傀儡門巷舊朱陳不覺眉稜  
聳時將舌本伸青山歸有日何處更容身

不必愁吾老何妨任白頭山墳空涕淚門戶各綢繆莫放肩頭  
擔須懸腰下舟但耕方寸地長爲子孫留

移居

我生飄泊如斷梗又被羈棲不能逞我生留滯似匏瓜繫而不  
食還移家鷺鷥亦有巢林慕欲借一枝無覓處十年五作移居  
詩篋裏常多乞食句破屋牀頭見星斗時有歌聲出戶牖盜賊  
縱橫魑魅藏夜裏敲詩當巡守故人謂我顏色勞窮猿擇木何  
蕭騷寧心息魄隨所遭蝸牛之角能遊遨流行坎止雖有數白  
首泥塗豈無故畫堂數丈棄不居矮屋低頭亦何怒我有草堂  
君且住歲月蕭蕭此中度

刈麥行

己亥作

黃鸞語日初旭腰我鎌果我腹百頃黃雲蔽川陸千夫一掃野

烟空餅餌香生滿茅屋炊烟生里正來新舊租一時催少壯倉  
皇老弱哀

洞庭湖中望君山

岷山導江何大奇西南一蓄成巨陂波中濯出青芙蓉倒浸萬  
頃碧玻瓈龍驤萬斛不敢入鼉鼉鼉山根集巨靈特爲龍公  
移金焦大別何能及翠屏十二明鏡開雲封露洗無纖埃尋常  
飛鳥不敢度紫鳳天吳躡影來浮耶沉耶總莫測蒼烟一堆淨  
如拭海藏翻倒凌虛空下壓龍堂萬古黑初疑海上浮神山蓬  
萊宮闕虛無間滄波混茫接元氣到此直可排天關我時欲探  
驪龍珠何如躡屐山中趨紫芝石髓尙留得玉樹琪花知有無  
咫尺揚帆未一至匆匆恐負山靈意朗吟飛渡竟如何向來此  
地仙人多

五月大水走筆並訊津市友人

九天雲垂四海立，簑笠蒙頭走原隰。誰人牖戶能綢繆，回首茫  
茫百端集。曉來忽訝灘聲高，登城一望何雄豪。雷霆白地走怒  
濤，長天一色來滔滔。野人匍匐踞屋脊，飛鳥絕迹何所逃。十年  
南北江湖客，扁舟踏遍蛟龍宅。巨浪雄濤自在行，對此搖搖蕩  
心魄。我雖不與蒼生謀，夙夜亦抱良朋憂。少陵茅屋居江頭，風  
波飄蕩能無愁。安能贈子萬斛舟，汗漫暫作鴟夷遊。

秋日園中感懷

疎林泛清光，天空無游絲。黃葉滿荒徑，紅芳從此辭。歲華雖已  
謝，瓜果方離離。眄彼霜下傑，爛斑繞疎籬。育物亦多術，溫肅各  
有宜。此園自何人，今我乃在茲。天涯同一室，仰見浮雲馳。

浮雲散廣漠，鴻雁日來賓。嗷嗷滿中澤，多比啼飢人。儉歲薄骨



肉何況越與秦稊稗亦難求何必鱸與蓴藟芋飽我腹紫薑清  
我神拾彼枯樹枝聊以充吾薪朋來亦染翰歡笑忘苦辛

朋來忘苦辛日暮轉悽惻鄰有呻吟人入耳不遑息青燈耿孤  
幔虫鳴亦唧唧平民遭飢寒輾轉變奸慝清晨視畦蔬大半爲  
所摘曷不明告我公然取亦得胡爲學穿窬將母成盜賊  
盜賊日縱橫良士何時休筋力不敢弛抱甕風颼颼檢點篋中  
衣猶存一羊裘愧彼榮啟期帶索無所尤飢溺非吾志斯人亦  
吾儔來歲知若何恐復似此秋天道惡侈靡藜藿本良謀

聞蛩

豈抱不平恨何來幽咽聲感人如有意應候本無情明月偏工  
怨孤燈最善鳴中宵吟短句唧唧助淒清

和費蘭谷明府秋日見示原韻

宋遇秋而悲李遇秋而逸神明有真契二者合爲一天涯本非  
疎聯床未爲密文章交有道四海同一室君乃謫仙人獨唱大  
江東元精貫丹液星宿羅胸中方瞳坐絳帳吐氣如長虹彈指  
去來今不必歎遲暮白壁羅前庭揮手不一顧廉聲滿江左勲  
名在竹素還家未白頭卽作遂初賦曾於五嶺外萬里控遙天  
收攬人豪素詩滿日南邊我讀心神馳如在羅浮巔君韓我非  
孟雲龍交有緣憂來非窮通所貴全其天悠悠千載下請問誰  
姪妍新詩勿脫略願君手自編年年洞庭上秋色自蒼然

送楊湘岩回長沙

北風何颼颼吹彼仲宣樓奈何我所欽人或以爲尤良友繫白  
駒歲莫成淹留哀絃激流徵金石發清謳丈夫志四海行路長  
悠悠鴻雁豈不高亦有稻粱謀火色鳶肩人物色難爲求俯聽

載道巖遠瞻洞庭流蒲帆高七尺趁此晨風適倏忽越重湖浩  
蕩沒輕鷗回首蘭江曲故人送遠眸願言自愛惜新詩毋浪投

遊中武當

繫纜緣崖人禪宮瞰碧流水光搖佛足山果落人頭津市千帆  
上蘭江一望收杉松陰四合風過送漁謳

觀羅漢渡海圖并楊湘岩題詩

大德寺中羅漢圖筆有神工誇絕頂此圖何年最後出欲與吳  
生共馳騁色耶空耶總莫知歷歷金天在人境萬里波濤似歷  
塊海若無聲噤蛙黽浮沉升降雲而龍滄海可杯蘆可艇蝸牛  
之角足乘風四大中間一浮梗西方現法作慈航苦海茫茫發  
深省楊君胸中有雲夢收覽人天人豪穎此詩此畫稱並奇芥  
子須彌妙可領

高揆庭寄詩詢近狀依韻答之

不是寒衣迫何知已及秋年華催落葉生意泛虛舟把臂多衰  
髻談詩愧黑頭近來供爨者亦似不能留

秋日携酒水月林看荷花

紅欄倚碧波綠色侵人面密坐苦清冷開樽愜嘉玩香氣透軒  
窓霞散天光絢殘紅就蕭瑟漸與西風戰遠望水灣環垂楊作  
堤岸蒲柳泛深沉鳬鷺散凌亂物理無停驂景光有餘戀落日  
射江光徐覺山容變手折數莖歸插向瓶中看

晨往水月庵看荷花用孫梅臯韻

漸次逢搖落江湖別夢多殘紅飄素練暗碧剪輕羅亦有佳人  
淚能無楚客歌向來攀折意一半已銷磨

螢火

獨抱秋明嘆細微  
井欄花徑故依依  
囊中且住何妨事  
勝向燕城滿地飛

莫春雨中

門徑都無雀可羅  
叅禪真欲問維摩  
鶯花困頓逢場老  
風雨空濛薄暮多  
典去羊裘微恨早  
傳來麥信恐成訛  
春蔬茁壯盤餐富  
捫腹陶陶且放歌

五十生日

暮景飛騰五十來  
風塵泉石兩成灰  
范滂有母終難割  
張儉無家未可哀  
白髮頻年催客去  
青山長日待人回  
相知欲慰窮途恨  
尊酒淋漓尙舉杯

嶺表銀鐙獨自來  
文章如赭志如灰  
三千里外離人老  
十二年  
中逐客哀行步盡從冰裏過  
夢魂空向柱頭回  
當時錯認懸弧

意醺酒天涯淚滿杯

湘南懷古

祝融山色照湘濱  
九轉孤帆溯去津  
地與芬芳憐帝子  
天留窟宅住騷人  
風高野鵬啼荒戍  
日暮江漁散綠蘋  
更讀少陵詩百遍  
千秋流寓總傷神

楊柳

雨歇虹橋夕照時  
綠陰搖曳盡垂絲  
怪他飛絮無窮恨  
猶與行人管別離

風流絕世楚宮腰  
紫燕黃鸝不待招  
願向水村深處住  
教人休見短長條

雨中望彭山

蒼然雲霧中  
羣峰列簪笏  
一峰馳遠影  
飛落青冥闕  
蜿蜒赴平

田飲澗老龍渴山腰積溟濛層宮闕深樾蒼翠難爲狀對面侵  
毛髮茲山祇數里幾度攬藤葛奮足凌虛無墟落半浮沒下視  
城郭中人煙稍蓬勃此遊久不再日月坐飄忽誰知雨窓中相  
逢慰契濶旣免登陟勞送青及門闥惜無荆關輩信手恣塗抹  
裁成烟雨圖咫尺辨毫末只恐天色開景被山靈奪

題袁安臥雪圖

甘瓜朱李井華濡閉門跣足思江湖桃笙鋪地日初永有客示  
我袁安臥雪圖寒光晶晶清入骨忽然跳身冰玉壺亂洒梅花  
徧九陌茅簷低壓埋繩樞千年老樹啼飢鳥豈有炊烟生庖厨  
此公僵臥凍不枯滿庭積素排清虛長松傲霜骨如鐵欲借暖  
律爲吹噓去年曾見襄陽像踏雪尋梅跨蹇驢江山點綴亦清  
妙不若此本尤懸殊游息動靜各有理高人意趣驚傭奴洛陽

大尹強解事殷勤存問勞招呼平生未下徐孺榻今來聒噪胡  
爲平瓊樓咫尺正可到門庭皎皎遭君汗長安紛紛干謁徒疲  
蹙破帽當風趨持刺到門被嗔喝手足皸瘃鞞紋粗豈知逸事  
傳千古輕裘駿馬成土苴我願良工圖萬紙散與寒士張庭除  
高臥聊且爲歡娛嗚呼高臥聊且爲歡娛洛陽此尹今亦無

贈石門陳景升

帝子湘中瑟成連海上琴未能諸俗耳終亦有知音妙論常窺  
興虛懷每受簾蘭城來往熟相對一披襟

負未能將母橫經自得師青燈低首日白髮解顏時泉石饒清  
氣風雲挾壯思文章宗法在直與古人期

三閭大夫廟前觀競渡

彩舟什伍屯鏡浦迴波競發流星努龍鱗煜熠鬣張萬槳齊



飛節以鼓震蕩雲濤戰水府晴川芳樹飄風雨三閭廟在江之  
濟千年肸鬻薦脩脯大夫昔日沉汨羅自分此身長滅磨豈知  
勝事傳千古忠魂奕奕飛烟波我家珠海古都會玳瑁珊瑚光  
瑣碎孔雀爲篷蘭作楫蜃市鮫宮舞澎湃爾時吊古更登舟魚  
蓀門前拉朋輩何如今日到公鄉亭亭廟貌英靈在仙眠洲畔  
停香車乘流畫舫傾城居新粧靚服左右盼鴛鴦對對交芙蓉  
別有兒郎此張宴河壩廣幄羅英彥須臾風急日銜山一抹殘  
陽射江面龍舟隊隊泊曲渚依舊長川淨如練回首湖山對夕  
曛廟裏靈旗卷暮雲幾點鐘聲催送客沙頭人亂影紛紛

大德寺觀吳道子所畫十八羅漢圖

大德寺中羅漢十八幅云是開元道子之所貽形容古峭異近  
製絹素黯慘非今絲颯然展拂神志肅賓客嘆息相瞻貽識者

稍稍辨真贋軸尾惜未書干支相其草草落筆皆離奇總非近  
代畫手能得之清雄美醜各異態雜以碧綠丹黃緇黔者鐵石  
質質者冰雪肌慈者挹睟盎剛者駭髮髯鸞鶴天矯露光怪虬  
龍倔強摧髻髻坐下虎豹犀象獅馴擾惛伏惟指頤當年徒衆  
有八百橫渡震旦無羈縻或居天台之杳靄或居鴈蕩之塵  
屨山水佳處愛棲息蘭江或是神所私咄咄吳道子今古稱畫  
師荆關董巨何足道尉遲立本時肩隨流傳至今一千載重之  
不啻古鼎彝我欲購長絹聚毛束筆研隄廩惜無好手爲摹揭  
對此神物空嗟咨還僧此圖須愛惜藏之什襲時一披能令魑  
魅却走山精馳

和唐芝崖使君秋日見懷二章

南轅北轍本無常曩哲淹留在此方嶽麓風雲猶煥爛少陵篇

什最蒼茫臨江弔古驚楓落薄暮懷人屬夜長衰朽何期蒙記  
憶他時聲價重湖湘

雲龍相遇自天成遠道佳人此地并簪盞孟韓聯好句縞投僑  
札戒虛聲文章氣味江湖重仕宦安恬襍被輕誰信翟公門外  
客一時名士共心傾

冬日和費蘭谷明府話別原韻

纔於山寺同消夏菊謝東籬又小春真覺流年如過客何期吾  
道見斯人棘雲蘿月遲佳賞去燕來鴻暫結鄰無賴情懷正惆  
悵那堪分手雪霜辰

望衡嶽

掛席溯湘川滌澗似衣帶百里見青蒼陰岩屯靈霧晦靄蹴重  
雲千盤插天外風雷走山腰昏旦殊變態霞島仙靈出炎天冰

雪在五嶺爲外藩嶽麓等邾鄆朱鳥配南方巍峩侶嵩岱曩讀  
岣嶺碑慨想禹功大何當凌絕頂一目盡楚塞振衣望日臺濯  
足洞庭滙

送春

細雨層陰日日眠離懷忽感夕陽邊三春花事拋流水千里家  
書動隔年久客已迷芳草路長貧空羨綠榆錢天涯浪迹人將  
老一度分携一惘然

秋興

風捲寒林萬木喧飄零蓬徑似孤邨百年事業惟高枕四壁虛  
無緊閉門突兀樓臺驕仲蔚輕肥骨相笑虞翻芷蘭露洗秋香  
冷一盞寒泉薦楚魂

寄呈叔祖蓉江先生

潦倒南冠夢寐驚文章何敢恃時名劍當缺後猶聞吼琴到焦  
時自發聲長對洞庭天浩蕩獨行湘水地分明美人此處留香  
草拾向閒齋日幾莖

赤壁覽古

奸雄一挫幾曾休吳魏同非爲漢謀南北自茲成鼎足山河無  
異割鴻溝鏖兵燄息留漁火戰壘烽銷見荻洲天澹雲閒今古  
在昇平江漢總安流

湘行雜詩 錄四

路轉碧參差青山兩相向浮萍一蕩開人坐青山上  
衡山不可登幾日猶相見如別賞心人回頭重留戀  
湘水浪沄沄湘蘭面面薰湖南清麗地一半屬湘君  
淡月依沙際開篷泛濁醪江魚不可食腹內有離騷

曉渡

落月浮波半映川  
漫搖殘夢到蘆邊  
忽聞叱叱烟中語  
已有入耕嶺上田

書東坡集

萬斛原泉隨筆走  
魚龍百怪無不有  
早年頭角信驚人  
坐使謠言爲禍首  
渡海以後骨欲仙  
華嚴參破更超然  
風節文章兩無愧  
不知何苦薄伊川

嶺南羣雅

番禺劉彬華藻林輯

郭德鉅

字炳堂香山人乾隆庚午舉人官江西布政司庫大使

山居

幽棲逸塵跡雲爲掩松門客至報飛鶴時更聞嘯猿荷鋤過麥  
隴沽酒下梅村儻遇葛洪侶道心還細論

嶺南羣雅

番禺劉彬華藻林輯

黃紹統

字燕勲一字翼堂香山人乾隆己卯舉人官終瓊州府教

授著有仰山堂詩鈔

玉壺山房詩話翼堂黃公爲文裕公七世孫訓導石城學者所稱仰山先生者也仰山者課士之堂嘗自署楹帖云爲倫類中所當行之事作天地間不可少之人及遷郡博去石城邑人餞送設供帳至三百餘所爲司鐸所僅見篤於內行居母喪三年不入室馮魚山初至會城見公詩大傾倒錄入所輯素心集遂訂古交時人比之廉慶其詩抒寫性情和平渾樸不必規摹李杜而風格雅近唐賢南雅所賞良不虛也其子培芳余門人以詩名留心經術兼工書畫能紹其家學余因思香山黃氏在前明雙槐粵洲秦泉三先生並以理學祀鄉賢而秦泉則崛起于南園五子之後巍然爲南園後五子之師流風餘韻於今未墜聞其風而興起者豈獨其雲仍也哉

秋屋



我亦居人境秋寒匝四隅柴門迎晚照籬落隔平蕪渺渺飛雙燕栖栖集一烏朔風窺戶入補葺愧繩樞

先妣誕辰

往歲同今日疏羹進几筵春秋經幾度生死隔重泉攀柏情何極呼天路渺然劬勞無地報慙愧蓼莪篇

送傅鳴石之湖南

應學使吳雲岩聘

聞子將有湖南役我病初瘳來送客一尊攜向珠江頭太息衣冠皆縞白時鳴石丁內艱少年爾我貧賤交命不逢時同蠹厄惟子翩翩富文藻攤書乙夜肆搜討詩名久動公卿間倒屣爭迎誓相好今朝應聘往衡陽哲匠門下相抗行壹鬱憤懣此可釋研塵拂拭生輝光衙齋刻燭定甲乙雙眸炯炯須箕張珊瑚勿漏海底網風簷苦境君正嘗况復此閒檀詞賦屈平日月懸千古江

煙浩渺疑珮環湘水蒼茫長蘅杜震盪心靈壯此遊丈夫休更  
懷鄉土君不見東鄰措大計二鬴老死牖下成臭腐

斷烟

疏烟斷續四山低半着輕寒草色萋當面夕陽人不見隔江秋  
水路多迷東西明滅分腰嶺遠近陰晴截短隄一角酒帘遮日  
出問津猶未到前溪

杜工部

才士疇能與節俱拾遺忠諒古今無寧甘憂憤名詩史不願疎  
狂學酒徒天子蒙塵靈武困小臣避地草堂孤最憐蜀道崎嶇  
日吟盡窮愁有鷓鴣

昭君村

粉黛鍾靈地孤村傍水涯玉關魂已度楚澤夢爲家幽恨埋青

塚香風冒暮霞淒清籬落夜人尙泣琵琶

寄許君度

一春有花而無月夜雨蕭蕭夢孤絕一春有酒闌無人渺渺予  
懷韻空歇對酒看花春已闌忽憶故人長浩歎故人栖栖落塵  
網懷鉛握槩謀朝餐琴書十載半焚毀獨餘風骨清珊珊雁杳  
魚沉不知處日日登山盼雲樹歸來鍵戶短長吟嗟君蹙蹙歌  
行路路歧莫效楊朱泣途窮誰買相如賦才人奢名不奢福饜  
飫六籍天亦妒委心任運且自如枉敎爭食同鷄鶩望子歸來  
及好春對酒看花共情慤

謁南海神廟

祝融火帝司南海德合星精位祀崇玉簡金泥藏貝闕朱裳青  
纊肅蛟宮波澄萬里天河碧日浴三更水府紅怪雨盲風曾不

作書生拜手頌神功

哭許君度

有才無命動悲吟幾度思君苦繫心寒夜擊壺歌白雪空山泣  
玉擁青襟燕雛鳩婦棲難定塵研霜毫瘞已深他日延陵思掛  
劍墓門宿草慘陰陰

留別博勛家兄達勛遜勛舍弟

弟兄難作別况復此長征薊北孤鳴雁天南幾樹荆不遑將祿  
養安用竊時名未懈承先志艱難勉一行

過十八灘

陸行縱崎嶇拄杖猶可恃舟行遇灘瀧四顧浩無倚昔聞十八  
灘險阻莫倫比今日身所經始信傳者是鋒刃攢劍戟爭惇笑  
虎兇水石相撞春激湍疾如駛上船畏流逆下船防觸抵灘師

靜把柁篙師隨所指刺船左右移趨避爭尺咫青山忽當面帆  
轉山陡徙翹首萬安縣道幾三百里太息人世中險阻亦如此  
平生仗忠信危機慎舉趾借鑒在當前保身卽君子

舟泊閬門喜晤馮潛齋儀部附家信

我去干秦日君來解綬時姑蘇明月夜欸欸話相思望闕情  
何極歸舟與自遲春風初戒道錦鯉得相隨

瓜洲渡口

村居沙磧上京口望模糊野戍橫紅渡平疇長綠蕪隔江煙水  
濶天際一帆孤我亦嗟于役踟躕日又晡

渡黃河

發源天上來終古流湯湯一瀉百千里萬馬同奔揚燭龍夜噴  
薄蛟鼉共翱翔陰風走沙石廣武舊戰場太行山色中指顧何

蒼茫龍門至積石通導如羊腸險要不足數呂梁與馬當天府  
誓如帶環圍固封疆陵谷會遷變安流此其常我來河道順亭  
午舟已杭河伯爲效靈 天子方當陽

天震井

天地生聖賢精華已盡洩何以啟後人遺澤久不竭我觀天震  
井此事實奇絕聞說孔顏廟其井占龍穴孟廟昔無井天特爲  
之設當中碧甃圍泠泠釀清冽巍然樹豐碑年代具詳揭今來  
訪遺蹟土人爲我說汲而飲之者滌蕩生明哲嗟予鈍根人思  
得一瓶啜味之異凡水聖澤幸私竊嘉惠我來學修綆許人挈  
不然何所爲區區在消渴

出京留別楊東萊麥子原

襤被南歸意自如別君無語轉愁予休嗟冷幕思彈鋏

楊客蔡駕部署

須信 清時謾上書

夢在太學

荔子已辜今歲約瓜田猶得及時鋤

長安米貴居非易貧士棲遲有敝廬

### 次靜海縣

遠望炊煙起孤城傍水濱田荒兵牧馬日午市無人撲面紅塵  
熱沿途白骨新停舟非得已客况幾酸辛

### 泊高郵

舟行剛月半今始到孟城赤日靜飛鳥青蕪喧野蕪山臨百雉  
小水長一湖清酒肆人謹座高歌按玉箏

### 平山堂

繞水環山勝景寬當年仙吏此盤桓登樓雨洗千峯出倚檻風  
生五月寒煙渚采荷迷畫舫柳陰沽酒醉雕欄宸遊此後成  
幽賞不負淮東第一觀

維揚謁杭太史大宗先生

時先生主講定安書院

睽違十一載相晤大江南名士老彌憊高人放愈慙茂先稱博物靖節解投簪鹿洞留餘韻遺經盡日談

五人墓

明季大事去帝位亦虛擁正人氣奄喪當國唯關允仗義者五人不是匹夫勇感激周史部碎身寧怖恐無路可叩聞赤心空自捧愧彼食肉輩鼠首動驚悚可憐五諸生名節共增重幽光久埋沒難并五人冢千秋壯士風後人猶敬竦怪底生王頭不敵死士壘

始興江口

一水自渦漩湍流不可艤江畔夕陽斜蘋末秋風起

觀音巖



誰人運神工鑿破此巖壑玲瓏嵌碧空摩天勢如削鉤梯絕攀  
躋隱隱聞天樂空洞窈然深前導秉炬燭幽棲者誰子煙雲爲  
橐籥內地自清涼酷暑不能虐獨面控長江日夜波濤作搖撼  
兀不移此國信極樂

抵家

歷夏徂秋萬里歸黃昏風雨濕征衣自憐故我空存舌猶慰山  
妻解下機契濶弟兄樽酒少團圓兒女一燈微倚閭今日人何  
在腸斷堂前淚暗揮

九日展墓

京國逢寒食松楸苦繫心歸來值重九展墓白雲岑宿草經風  
雨空山自古今瀧岡遺表在披讀淚沾襟

珠池贈馮敏昌

敏昌字伯求年十二補諸生時十六

珠池之水靈秀結沐日浴月晶瑩洩其中定有驪龍眠領下無人敢輕竊珍貴從來秘川澤望氣駭愕相咋舌百丈空潭長孕育偶然一出耀人目不數照乘光煜煜千里萬里光四燭何不懷之貢王國而使神物弢幽獨

秋夜雜感錄二

中歲關心百事多霜風一夜髮將皤窮年客館悲行脚不是先生安樂窩

抱瓮園丁亦自歡露葵霜薤飽餘餐依人香稻原非策慙愧風詩賦伐檀

寄林大

春已堂堂去新詩又幾篇蕭疎寒雨夜離索落花天一水美人遠謂馮伯求清秋之子還重予頻計日江上望歸船

秋蟲四首和伯求韻 錄一

山深秋氣早岑寂向誰論最是寒蛩苦淒清不可言竹籬花影  
淡草壁月光繁作客他鄉夜孤燈暗斷魂

答李勺海 潮三

失策當年作浪遊神仙空負李膺舟歸來倦翮容人懶慚愧先

公賦九州

先文裕公  
作九州問

嶺南羣雅

番禺劉彬華藻林輯

周仲焜

字建白一字星航南海人諸生著有星航詩草

王壺山房詩話星航長身玉立跌宕風流揮金如土議論輒傾一座概築損益二齋想入非非嘗有句云損益有齋何日繁笑看霜雪上鬚眉蓋才人不遇別饒寄託也

芳樹

秋露綴明璫芙蓉集爲裳美人含睇立空嗟遲暮傷菲菲芳樹色春心賦遠憶葳蕤映風姿窈窕舒雲翼及早櫛蘭房氤氲香未熄

磨鏡詞

匣中藏古鏡渾然閔光彩朦朧照儂面骨格原未改一朝施永

鉛顏色增鮮妍月忌太明朗不如稍含烟是非纖毫間察察鑒  
先天

心目吟 有序

向讀晉魏六朝擬古咏懷雜詩大都緣情綺靡體物  
瀏亮雖有師承各抒胸臆沿及後世名章疊出未免  
仿撫太過痕跡宛然獨昌黎眉山語戒剽竊六籍精  
華眼前物理一經陶鑄化腐爲新西涯樂府宗仰之  
而魄力不及然亦獨開生面者也茲余心目吟意有  
所得輒書示警不敢拾唾前人頗出已見但恐涉厠  
頭老婢聲耳聊存以俟後君子之裁擇焉

水積厚一寸便鏡萬仞天澄心苟片時銜鈎出重淵奈何握靈  
珠刻受勞絲纒無怪視吾舌永不生青蓮

夜寐偶瞪目。神光洞屏寧。旋即歎希微。依然漆室處。人爲萬物靈。黑視胡拙鼠。毋乃晝多咎。夜氣不扶汝。何時養虛白。炯炯得如炬。

夢境時變幻。不離童稚初。播遷屢易居。朦朧返故廬。駢木有本性。枯根不宜鋤。人生逐富貴。何遽甘絕裾。試於勞攘內。清夜驗華胥。

秋水姣相送。初若電閃眉。鸞膠藏阿堵。數近遂忘疲。生憎造物巧。鑲此傾城姿。老聃有遺訓。不見是吾師。

利欲如油膩。近則污人面。初覺厚靦顏。久遂規爲瑱。豈知火銷膏。由此剗餘善。古來曠達士。瘦已肥貧賤。余亦有千金。一朝散如霰。

燈草結奇葩。死灰燃剛鐵。遙情緬千載。著述留心血。鬱鬱湛深

思。菁華曠世。洩勿以技雕蟲。而同風飄雪。人身有榮枯。人心無  
生滅。

嶺南羣雅

番禺劉彬華藻林輯

張錦麟

字瑞夫一字玉洲順德人乾隆戊子舉人著有少游草

玉壺山房詩話玉洲葑房弟有雙丁兩到之日詩有雋才少以碧天如水雁初飛句得名錢辛楣稱其詩標新領異不拾人間唾餘而音節無不合於古黃仲則謂玉洲之才如栢柏陳章之蟠大地而摩青蒼也如鵲鵲鵲之負長風而擊秋旻也玉洲嘗有哭胡同謙詩云不知南斗精一散何年聚蓋與同謙交最摯皆相繼早卒○玉洲又與余友南海陳進士鴻賓雅相契陳嘗候其疾見其索紙筆大書粵東詩人張某之墓數日而逝陳每悼其才華發露不得末年而陳則悃幅無華敦行積學會薦舉孝廉方正年亦不滿強仕又何說以解之陳生平無詩附誌於此

度庾嶺

連山塞天南鄉路忽中斷侵宵改行裝披曉逐征伴荒岡帶畦畛復磴隱叢灌時聞石泉鳴遠見嵐煙散雙崖俄束體一綫隆



青漢積陰風泠泠蒙密昧昏旦初疑墜潭井旋倚梁閣棧先春  
驛梅飄迎客洞暖喚仰登無健步陡下怯回看情隨南翥禽去  
異北來雁川途倦方長徒軫越鄉歎

京口

寒潮隨日落煙樹遠冥冥江海交流處金焦相對青浩歌長載  
酒訪古緩揚舲何處吹橫笛魚龍跋浪聽

渡江

前身應是江南客纔見金焦喜欲狂一月風沙隨曉夢半空樓  
閣出秋光地連荆蜀開平遠天入松寥接混茫誰道東游可乘  
興早聞仙鶴化朱方

湖心亭

湖光如雪靜無波綠酒紅亭倚醉歌三面青山四圍水滿花香

處笛船多

德壽宮梅石歌

苔蘚鱗皴如著雨，搖颺綠絲長尺許。狂蜂癡蝶不敢窺，鐵榦盤  
擎翠蛟舞。飛來峯高冷泉潔，歲歲筵開上皇悅。一聲龍箏內人  
吹，金尊飄落冰天雪。北內千年委榛棘，荒園一片芙蓉石。畫工  
描出暗香來，不是杭京舊春色。春風二月孤山路，咸平老樹紛  
無數。題詩腸斷木坡師，自客金臺花幾度。

灘行

雨色羣山合，暖聲幾樹同。一灘高一丈，愁水復愁風。病思便孤  
枕，秋心滿短篷。篙師吾與汝，力倦往來中。

峽夜

冷煙微月梵鐘清，搯枕關篷計峽程。一夜孤舟風浪急，斷猿虛

送第三聲

繫舟沙口作

扁舟曾此泊苔磯  
暝宿歸帆驛樹微  
野岸無人潮欲上  
碧天如水雁初飛  
娟娟冷露侵漁火  
瑟瑟涼風卷客衣  
翹首家園無信  
宿羈心翻比兩鄉違

登穹窿望太湖

有山如螺青作堆  
又如簇簇芙蓉開  
有水綠淨蒲萄醅  
龍驤萬斛來  
泂洞天公荒怪尋  
常格位置合一何  
雄哉洞庭面目今  
始見  
三峯飛上陵丹臺  
初愁足蹕目亦眩  
峭拔自是羣山魁  
按圖一角界吳越  
雲煙特地藏雙雷  
空明飽看三萬頃  
遠勢盡逐浮光來  
莫釐縹緲若咫尺  
拄杖便合投崖隈  
人生歷覽無近遠  
足所未到如蓬萊  
山靈招我不一往  
定被好事吳儂咍  
俗緣擾擾

有底急坐之勝侶相追陪獨憑吟望恣收擘舊游回首無奇環  
莫嫌別後入塵埃已遣胷次高崔嵬何人鐵笛送哀響落日滄  
澹魚龍厓

太湖眾船行

小樹飛蒼天大樹根拔土湖頭白浪高于山巨舶巍然快掀舞  
西臨石磯東角里船行無篙復無艣幾家合隊乘長風二十四  
帆天上舉湖深水闊魚價強吳人謂銀刀錦鱸盈百囊春時鱸  
賤爲強紫秋釣白夏有辨鱖冬華舫年年報賽投北碕衆魚卻棄頭魚  
長吳歛歌罷笛聲歇醉中山色青茫茫漁翁漁媪石公姥小姑  
裝成似龍女生來不省有風波燈下團圓相媚嫵浮家泛宅爾  
許樂問舍求田何足取人閒萬事不可窮祇合收身雲水中安  
得酒船三萬斛他年來作太湖公

元夕妙高臺對月

江流浩浩山所控素月舒波如潑潑長天倒影入高臺恍向青  
冥蹠飛鞚微茫煙樹辨瓜渚縹緲飄檣連鐵甕風來萬頃白鱗  
鱗下有潛蚪森欲動信知春月少愁思更喜無雲開霽空笙歌  
此夕沸蕪城何似孤舟長笛弄定巢老鴨亦驚起若與游人助  
豪縱乾坤清氣滿清景但有奇懷皆可共不論鄉國與天涯到  
處流光瀟灑送照影還從起舞看傾尊本爲狂歌用畱歡那惜  
久延佇嵐霧霑衣薄寒中祇愁歸臥不成眠心清定作瑤臺夢

宿遷弔項王

古渡鍾吾驛長隄下相城茫然大河地猶作楚歌聲逐鹿輕書  
劍畱駐枉戰爭英雄空蓋世豎子幾成名

懷蒲澗寄葯房

舊游多可懷況復吾家山前宵入歸夢卽壑餘深緣清泉澹吾  
慮白雲相與暝慈兄昔同游不到今幾年憶攜桃枝杖畢景窮  
幽偏栽詩櫟樹下歲月還題鐫相望此何時毒熱畱古薌羊何  
有故侶求點懷昔賢悔將清妙機謬爲塵網牽浮名我何有故  
處心依然願隨騎羊使飛侈香林前長鑱足生事共種菖蒲田

游陶然亭同馮魚山胡耦山賦

長安五月暑氣酷馬蹏厭踏塵濛濛新晴犖伴發幽興城南佳  
處尋游蹤孤亭蓮宇西土阜拔起層基崇亭前夾道萬蒹葦梢  
梢瑟瑟搖清風一潭如陂塘匹練光溶溶情龍行雨向天去水  
面拍拍嬉鳬翁人家野色亂青縹能令蕭爽如秋空鄰門此景  
不易得畫取已覺江邨同登高況復窮遠望俯視萬木榮且豐  
我從盧溝來西山千疊攢高穹凭闌一笑兩相識了出煙靄如

爲容陶然便可拚一醉爽氣入座開心胃荆高雄骨久成土  
有酒伴相追從興酣牽率發高唱欲落未落斜陽紅秋涼有約  
理游屐相將襪被夜聽山頭鐘

七夕

雨餘閒聽葉辭條久客羈心不自憀獨倚檐前望牛斗秋風秋  
月可憐宵

落葉五首

齋居如空山風雨夜深至卷帷見明月墜葉滿階砌殘燈耿暗  
壁枯坐竟無寐披衣時倚立霜露入肝肺不曾北地游安知感  
秋氣

鬱鬱八桂林冬夏常青蒼豈伊畏霜雪受命生南方上有歸飛  
鳥比翼相翱翔我身如轉蓬欲歸道悠長葉落猶依枝故鄉安

可忘

棲鳥不掩巢驚飛墜枯枝枝枯亦摧毀敗葉將何依一片初隨  
風已兆肅殺機幽人觀物變默懷長年悲秋實諒不結春華亦  
何爲

夙昔西郭行實爲雙松古誰令後凋質歷刼到斤斧遨遊取一  
快此意難自主衆木徒紛紛交翠亂檐廡遙知入秋來颼颼風  
吹女

當夏日追涼徂暑來秋聲人心與物化欣戚在一庭時來自榮  
枯艸木初無情蘭衰不可佩晚菊舒寒英陶然醉餘觴天高氣  
激清

題戴壽愷吳逸千大明湖詩後

水明木瑟著佳游梧酒湖頭共駐畱五字吟成清到骨毫尖七



十二泉秋

亂荷如繡盪蘭燒元子騷鸞去寂寥好是鵲華秋色裏尋詩人在水西橋

懷葯房

嚴風吹雨雪飛夢落關河舊日清吟地懷君次第過客中塵事少歲晚酒人多顧影終無賴相望奈遠何

喜晤胡同謙

故人閒何闊歲籥移已再自聞上春卿注耳聆警效扣門有鄉音倒屣誤流輩逢君出不意適與我神會促席話平生披豁露肝肺向來離索心一笑復奚在蹇余畱上京歡樂百事廢慣看鷓鴣肩客自覺壯心退君獨無躁容迥出塵海外得微江山力自有拔俗態縣知新詩章吐語粲珠璣自憐久失業渴欲承妙誨

信宿不擬論連牀日相對

滄州對月

明月出滄海千里流清光清光無窮極客意相與長河流盡東  
歸我行殊未央孤舟信淹泊每夕依高墮極目無所見樹木鬱  
蒼蒼遠風從南來水氣先秋涼素瑟孰爲鼓濁酒闕我傍夜深  
羣動息星斗自低昂裴回竟忘寐薄露霑衣裳

太白樓

才人行樂地我輩坐銷憂顧盼無東岳乾坤獨此樓永懷杜陵  
老不共醉中遊咫尺南池水蕭蕭夏木秋

下邳咏留侯

感激飛椎日從容進履時飄然秦楚際偶作帝王師歸去祠黃  
石還同采紫芝仙才堪辟穀獻策憶安期

平山堂

綠楊城郭雨初收。十里清渠碧玉流。白蕩花中藏淺檻，青山影裏漾文舟。二分月自如前度，三過人今感舊遊。聽唱孤鴻煙雨曲，江南江北入新秋。

揚州與戴東原先生別

僊侶陪真忝韓江，惜解攜幾年辭白嶽。一櫂返清溪，樸學今誰輩。攤書得指迷，薦雄應有客。無意羨金閨。

滄浪亭

西風未送吳宮秋，追涼試作南城游。八門七堰苦湫隘，此閒竹石餘清幽。攬天古木蒼煙稠，仰聽竽簫寒飈颭。短籬小約笠隱見，高荷亂葦相環周。鷺鷥飛去石枰冷，水雲搖漾空悠悠。如斯風景亦不惡，詎與謫宦前煩憂。由來壯士盛意氣，胷中屈注銀

潢流糟牀萬瓮日轟飲

宋胡程滄浪亭詩糟牀行萬瓮繚垣周數里

我知此趣如滄

洲太湖浩漭復咫尺才人合爲江山留

子美自書登閬門詩旁云江山留人也人留江

仙男兒窮達自有命運坎且止無拘囚此亭今昔幾興廢而況  
世事如浮漚嗟我材術非公儔無異劣足追驂駟疎頑野性不  
歸去塵纓欲濯慙復休清風明月行處有一邱一壑非難求古  
人已往不可作盟心試向波閒鷗

### 夜游虎邱

禪居本蕭寂化作冶游境夜涼聞梵唄巖壑返虛靜爲愛石盤  
陀皓月瀉光景俯視荒池清仰見天漢迴秋容未著樹病葉已  
先警微風一披拂歷亂衣上影幽念默相酬起滅倏俄頃坐久  
興未闌稍覺露華冷應逢白雲歸間鶴夢初醒

### 秋風

秋風吹贛水雲氣結層陰夜雨楓人樹空山木客吟關河未搖  
落天地已蕭森此際無人會冷然調玉琴

歸度庾嶺謁雲封寺

去家未崇朝回首已脩阻歸程尙千里遠望若可覩臺山如故  
人覲面關門戶長途得所謁鑿翠僧坊古白雲隨我歸蒼松爲  
我舞裴回衣袂重濤籟變風雨一酌錫端泉清冷涼肺腑平生  
塵土足浪走徒自苦歸人未停驂來者仍接武人生會有役豈  
得但懷土一笑麋鹿姿惟應故林主

九成臺

欲賓虞舜渺無緣雙闕浮光落眼前萬疊芙蓉爭遶郭千尋樓  
閣迴臨川雲山韶濩應長在漲海魚龍已寂然獨有江湖憔悴  
客幾回搔首夢鈞天

嶺南羣雅

番禺劉彬華藻林輯

胡亦常

字同謙順德人乾隆辛卯舉人著有 賜書樓詩草

玉壺山房詩話同謙卓犖不羣尤工五言少與同邑葑房玉洲齊名大抵與玉洲異曲同工錢曉微謂其詩妙悟天成能於南園諸子外自成一家迺僅逾壯歲蘭摧桂折殊可惜也

來日

來日重可期去日倏已度人事遞瞬息秋氣動庭樹循陔掇菽  
葵恍然感霜露遺書手澤存杳杳邱與墓老母苦晨餐欲折齒  
如附重媿色養難耿耿幾微忤令名揚二人明發心長寤

過雍邱上人彈琴

秋水淨如許美人云在西領此太古意瑤琴誰能攜山僧妙元

理散步來招提持取發清響泠泠出遠溪

四君詠 并序

媒文禽於恠鳥糅蕭艾於椒蘭匹醜駢妍千秋一唱  
志茲微尚貽諸所好

毛遂氣虛驕楚約成傲倖如何佳公子咨嗟重九鼎不敢論帝  
秦碌碌仍公等卓哉魯仲連風節振俄頃玉兒本無求咄咄脫  
囊穎

鴟梟食其母田文非豪賢糜財養奸俠反爲宗國患大節旣已  
虧名義空復宣趙縣亦何辜一笑擢劉虔狗盜及免窟此輩良  
足嘆

黃生雖楚產非有公族親單車入虎口計自忘其身布衣存故  
國烈氣洵空羣荀卿與朱英客亦匪囂紛毫及狎翼卵嗟失無

望人。

信陵厚天性。愛人非外獎。晉鄙死且憐。況彼夙所仰。爲國耿寸心。詎以士爭長。醇酒縱暮年。英雄坐慨慷。日落大梁城。千秋發遐想。

雜興

天地趨儻忽。促彼龜鶴年。六龍鑣已駛。矧乃羲和鞭。時物互變化。素質稀。幸存醴泉不自澄。將與行潦捐。嘉樹不自媚。將與惡木然。鳩雁有遷性。荃茅無恒根。朝爲人愛惜。暮爲人所憐。

初秋

養疴憚赤曦。欣與朱夏餞。天宇驟清豁。微風吹初善。入夜氣逾佳。露光積林沍。羣季賦新詩。幽裒散清辯。興動名山游。牽事憂未踐。何當理輕策。朝爽挹流眄。



踏車曲

歷鹿歷鹿水入車腹不往則復解一海遠於岸中間轉灌水上天  
半一半人汗解二長腰環環足繭車翻暮滿朝乾解三龜坼呀開草  
死飛灰誰省災大吏回催租誰縣吏來解四

夜過梁朝偉秀才讀書處

山月儵隨榕樹巔山坳老鳥號悄然野螢入屋流寒穠夫子昔  
日稱豪賢胸中出入齊州烟讀書數起看青天長歌拍手無管  
絃烹羊呼酒名花前脫口爭誦新詩妍佳兒白皙嬌可憐酌我  
滿斗呼謫仙意氣欲跨蓬萊巔興酣我去君且眠人生會合千  
萬年歎來玉樹埋重泉門前落葉秋風偏招魂不到黃壚邊闌  
干迸淚中心悵江流日夜鳴濺濺

送曾生入京

帝里吾生長南。邇十五年送君。今夜夢重得到。幽燕雨雪寒三。  
月。河山路八千。白雲重回首。去住兩茫然。

登太白樓

至今此樓上。天地落空青。自昔無同調。舉杯余復停。悠悠漢陽  
水。歷歷長庚星。明日拂衣去。狂歌入杳冥。

浴日亭

夜色赴高亭。烏輪躍渺冥。寒趨陽谷轉。潮湧海門青。元氣迴羣  
物。神功動百靈。寅賓職義仲。翹首帝堯庭。

游圭峰

羣山亂幾重。天半矗圭峰。泉飲千巖石。雲吞萬壑松。南溟奔絕  
岸。朝日起孤筇。不覺一長嘯。空潭吼卧龍。

馮唐墓

賈傅輕年少馮公老若何大臣皆絳灌天子急廉頗拜將掄才  
易籌邊掣肘多英雄少勲業攜劍壘頭歌

送家懷英

瓊海明朝路錢塘去月程君身如候雁一歲幾長征貧賤尋常  
事風波不易行古人重忠信莫使旅魂驚

素馨詞

僂採花未開防與朝日見郎待花開來那得逢僂面

七夕

月落衆星爛羈人起夜半脈脈離別心舉首望河漢

席中呈謝叅戎廉菴

酒酣日落動檀槽坐上將軍北調高入破一聲纔出塞兩行賓  
客看霜刀

研

割自纒羊紫玉堆昭王臺返越王臺兒時記得頻呵凍夜侍先  
臣草諫來

疑塚

七十荒墳總莫憑漳南漳北暮煙凝可憐麥飯逢寒食只有人  
知上惠陵

嶺南羣雅

初集

番禺劉彬華藻林輯

李壇

字道登一字杏墅嘉應人乾隆甲午順天舉人歷官開建  
徐聞教諭以子仲昭 贈翰林院編修著有退學軒詩文  
集

玉壺山房詩話杏墅有夙慧過目成誦自天文樂律識緯  
醫經至丹青篆刻無所不通爲詩文操筆立就翁覃溪稱  
爲天才德定圖尤器重之壯歲詩益偉奇邱東河謂如公  
孫大娘舞渾脫劍器瀏漓頓挫眩人目睛吳棫村謂如飛  
天仙人凌波神女要其意取真摯語戒凡庸健筆獨扛得  
力多在少陵東坡二家

十七晚夢回家中覺後作

羈心積春水永夕彌惻惻輾轉暫成寐一夢返故國不知身何  
來但解入我室入室行踟躕解顏對親側問親何以然癯瘦減

顏色憶兒初去時猶帶舊恙疾藥餌料已虛菽水誰奉職問親  
不吾語竚立惟默默長兄從門來少婦當窓織幼子復何知嘻  
嘻抱吾膝含情最分明撫膺轉回惑今予羈異鄉此境何遽得  
山河曠且遠豈身有羽翼魂魄想有知脫身走異域千里行路  
難毋使迷不識

潭洲雜詩

大海日蕩蕩客心悲無時一身忽如繫躑躅將焉之行止誠在  
天人謀亦如斯方園異枘鑿杆格安可施無能燕雀巢寧逐鷦  
鷯棲一枝苟爰集前路非所期

颶風振天末重雲翳道周炎景晝晦昧山海阻且修昔我駕言  
旋霜雪冷征裘今我尙作客禾黍青油油一家常苦癯一身常  
苦肥癯肥杳不接何如早旋歸

對案忽不愜躡屨于中田四顧寡儔侶農父相周旋扶犁劇向  
予聲作鄉語傳自言舊同里客此且十年無田不得歸竄迹事  
粥餽言罷長大息揮涕沾予前

種花南窓下草盛花生稀夏雨漸滋長叢薄勞芟夷傷彼幽谷  
蘭含英潛光輝芬菲鮮同臭紉此遺阿誰世情易軒輊青黃旋  
轉移懷芳不顧惜入室當誰知

過鴈門關

鴈飛不過處冲天橫一門昔日中外界今當車馬喧萬山拱自  
北虎踞而龍蟠峰高遲上日澗冷水長存蒼茫景往蹟殘碣不  
可捫奢牧亦人傑邊功空復論獨餘關前柳依依自朝昏

暴寒偶述

向夕北風起慘然雲水寒涼秋逝將去乍覺衣裳單凌晨過廬

市冷面如刺攢短衫不掩脰輕薄雲葉翻顧彼富豪客裘帶何  
翩翩豈不實煥若念已非所安因思後凋者松柏方九九  
客從故鄉來遺我一緘書書中何所有幼子語喁于未解飢乏  
食但言寒無襦我行已永久菽水會有無皇皇謀卒歲裋褐將  
安圖斗粟聊可春尺布聊可縫勉旃聚順氣和樂爲春融

寒月初上步至西園玩梅

美人怨遲暮寒夜聊相羊珮環隔墻見繁飾輝琳瑯珊珊不可  
卽微風飄衣香思驟望舒馭弭節親容光

古樹詩爲邱東河司馬作

清晨喜蹙然突來三老叟鬚眉何蒼蒼體狀頽而黝並言生宋  
代遷轉南渡後故園違景山甬東宅半畝豈乏錢王錦海內譽  
交口守黑惡文著訪于歲寒友側聞瞿然驚踖踖前拜手借問



叟何修且逮錢鏐壽熊經而鳥伸丹訣焉所受叟笑向我言苞  
符一一剖爲溯蜚仡前亭毒實樞紐無始乃有始無有斯長有  
胚胎渾未凝塊比更襍糅適得聚吾體真精合六九衆妙元之  
元丹鼎豈苟苟天地吾穹廬日月吾戶牖爐火陰陽燒藥籙雷  
霆走離坎二氣交乾坤一元守不元斯不丹丹還元以久骨竦  
金鍊堅氣充龍虎吼雷雨爲醴醢霜霰足飯糗供養兼煙雲精  
華鍊星斗三彭絕久矣萬物藐芻狗神完涵大虛服食脫窠臼  
丹養是則然德養尤非偶伊余抱貞心選勝絕培塿四明高龍  
嵒甬江清且瀏是處有德鄰營邱子所厚中多攀龍彥卓犖共  
樽酒善積日以滋貽我勝瓊玖歷今六百祀依附若肘柳乃祖  
迄雲初余皆識某某子性惟寡諧亦或羽客耦風雪時與語今  
古證同否旦暮殊滄桑生滅迭淨垢鵲鳩摧衆芳銅駝棄榛藪

本性終罔移歷劫長不朽我聞恍夢覺精神方抖擻再拜前致  
辭寂焉莫獲叩回見古樹篇光芒鬱蝸螺

### 澳門歌

潭洲東下環巨洋羣仙奔赴疊鬱蒼惟天設險界絕域澳門岌  
業橫中央龍蟠虎踞勢交會天海一氣通精光日月之行若出  
裡鯨鯢上引星辰翔東南際天國萬數背趾相望此握吭紅毛  
鬼子蜂屯集戕舸大艦交風檣殊方異物四面至珠箔翠羽明  
月瑞古稱裔夷不亂華羈縻敢使窺邊防聖人覆幬並天地  
薄海以外咸享王○大開理番受朝貢往來都會相梯航一隅之  
土俾窟宅負海不異家扶桑廣州有波羅廟昔有夷人立此望  
作詩云日出扶桑是我家因風吹  
送到中華云云爾來太平越百載海氛淨掃無枇糠虎頭鹿耳弛鑠鑰  
此門竝立天蒼涼弓張蟻旋拱浮島界劃中外跨渺茫何時騎

鰲絕頂上周覽四壑窮八荒

讀全謝山詩集題後

如不欲戰戰自倍無意于詩詩益工百家六藝盪胸臆山川今  
古偶感通才堪表裏乎經史聲宜金石相始終直上天庭播廣  
樂下聽地籟猶秋蟲

仁義之人言藹如聲音乃與性道俱先民有作或間世天地大  
文當得舒揭日月行見忠節詩中多搜羅往哲軼事意在表彰潛德藏名山業屬  
潛夫吁嗟冰楮空鏤刻盍篤其實藝以書

鰻魚歌

吾聞介物兩作離何爲孟仰自震之震仰艮覆更迭對覆以倚  
石艮之爲爲介爲石兩而化石半其介介不知是名鰻魚潛海  
底海底有石鰻斯倚殼含九孔或名螺曰石決明有同科小或

如錢大如掌半蚌應月形偏頗大風吹海浪山湧目眩鯨掣神  
皆悚健兒笑傲凌滄溟沉淵百丈賈餘勇此時驪龍睡模糊採  
掇如埒羊領鬚快刀剗割石上月簞簠收拾膺間珠剗然躍動  
海水開曉入鮫宮晡歸來金鼎試煮白石爛霜刀細切雪片飛  
芳鮮脆滑劇可嚼調攝亦或鹽和梅諦觀離震艮參變頤噬嗑  
兼火山雷觀頤偶自求口實頤中物勝雉膏食芙蓉玉芽恣飽  
餐笑把紅螺酌瓊液

題邱東河司馬百十二家墨錄後

香霧蝕月麒麟鬬元風捲地黑虎吼廣張鐵網塵海中八荒烏  
玉不脛走聞公家依四明山千年祖宅松九九愛松並愛松之  
烟如此嗜好元又元曾蓄名家百十二邵羅以下悉標記荃蘅  
蕙茝涵清芬琮璧球圖渾古味副墨子生落誦孫香濃到處斑

馬薰

公自爲墨錄通徵海內詩人爲題詞彙刻一卷瑰奇倚撫星宿落沁心元氣光斯

文忽思前月風雨急天公怒潑淋漓墨知是松滋青衣童光芒

萬丈先驅入

三月十一夜海旁下黑雨溝渚皆如墨池俄來驛使呈緘書黑雲一片

低前吳

村

啟觀詩卷盡墨守陸離眩目驚驪珠

墨錄題詞一卷係慎齊叔自海

門參府

署寄來奇情鼎寫黝然至銀光怪發鴻寶氣閃空綵綯鸞鳳翔

倒海濤翻虬龍戲海天空濶窮真搜苦無佳句吟相酬願吸仙

人金壺液噴作五城十二樓

### 和黃宜齋井陘道上弔淮陰侯

飛狐白馬控河山將將緣何忌將韓一自奪符從臥內早知徵

檻逮長安中庭疑獄冤誰雪閨閣成謀血已寒悼惜八王連覆

轍功成終始漢家難

嶺南羣雅

番禺劉彬華藻林輯

謝聖輶

字 一字虹亭番禺人乾隆丁酉舉人官宜陽知縣著

有春暉堂稿

王壺山房詩話虹亭有詩名所作不自珍惜春暉堂稿乃其令子掇拾成編多所闕佚稿錄數章以存梗概他如洛中懷古云銅駝街冷牛羊下夾馬營荒蘆荻秋無錫道中云十里冷烟迷孟瀆一帆寒雨下毘陵峽中云波濤爭一石烟雨失諸峯句皆警拔惜不能復覩完璧矣

新淦道中

蒲帆斜下石陽城玉笥山邊不計程古澗縈洄三十六寒流迸作象江清

晚登山陽郡樓

孤鴻聲北去獨客漫高歌古堞登臨處羈情感慨多舳艫動江  
浦風雨逼淮河欲濟煩舟楫其如歲晚何

西湖雜詩十四首

錄二

紗窓梅雨憶清歌石徑陰森篆薜蘿欲弔錢塘蘇小墓西泠橋  
畔落花多

載酒人來不用招

時何南調携酒柑  
遇于蘇公堤下

蘇公堤下木蘭橈垂楊萬

縷桃千樹畫舫青簾過六橋

嶺南羣雅

番禺劉彬華藻林軒

趙希璜

字渭川長寧人乾隆己亥舉人官安陽知縣著有四百三十二峯草堂詩鈔

玉壺山房詩話渭川讀書于羅浮山噓吸雲烟變換肌膚故其詩絕無塵土氣其人亦風致翩翩好交海內名士嘗刻黃仲則全集當時有仙吏之日焉

石鑑

羅山浮山森開張石鑑彩瑩騰精光纖塵障翳不敢入時照紅日升搏桑雲蒸霞蔚海水赤東面相當開一尺面日今朝識得真轉似移身歸月窟清光愛爾寒凝冰十洲遙隔愁盈盈蓬萊清淺照不足峯頭倒拽懸孤青殘棋數著看生死一百八枚挈



不起

石鑑下有黑白棋子百八枚往來相盪凡人挈之不起與仙奕山相類

黑肌赤脈兩分明誰

賭玉塵來至此咸陽宮殿草萋萋秦鏡於今化作泥麻姑笑人  
忽反走毛女鍵戶勞相窺吾聞仙人謹傳道寶劍還同明鏡耀  
誰將蟠螭倚南溟偏放紫珍來石窖前山道士勤摩挲化童之  
術復如何未見黃金成大藥請看桑田生白波歲在辛卯月孟  
夏趙子騎牛石鑑下巖頭題字誌遊蹤此心聊寄光明舍

泊韓江寄家姪與昱

異鄉頗爾慰晨夕別送河干贈我言仗劍遊非南十八昨行舟

附李龍門

附南欄舟詣郡

金風靜漾一瓢月秋水新添五石尊寄語西

齋同事輩主人懸榻是陳蕃

謁余左丞廟

元綱已失馭秦鹿方紛馳石人一隻眼黃河水瀟瀟遂使民無

家李瓜榮冬枝又聞兒暴長布袋嬉開頤西北甌忽缺東南勢  
難支卓哉左丞公一木能撐持臬鏡走白日忠盡輸丹葵椎牛  
泣誓衆悲譌同登陴亦如張睢陽婦孺聽指麾死則均死耳奪  
志吾不爲河嶽寄貞魄日星爭光輝國史在誰手吁嗟老臣危

銅雀臺

凌雲起銅雀飛分香賣履事全非空憐疑塚七十二曾羨周文  
天命歸銅雀飛仙掌折五馬同槽禍尤烈洛陽宮殿草萋萋銅  
駝不復眠金闕

題閔貞自畫奉饌圖

烏兮反哺啼烏兮爾父爾母巢南枝目爲爾翳翼爲爾垂自朝  
至夕望爾歸烏兮反哺情何悲悲莫悲兮孝哉閔薦饌奉牲雙  
淚隕形追刻木儼式憑枝擅添毫心愈咍手摹目揣求其真世

人繪貌難繪神胡爲茲圖聲容笑貌昭合生紙上家人婦子肩  
隨左右趨庭進反而言言閔子爲我言弱冠丁多難伶丁孤立  
鮮弟昇丹青卒業爲專門今日繪吾親明日繪吾親死者生兮  
亡者存寄形恫恍他人身倏遇一老嫗翹首門前路宛若倚閭  
情見予還錯愕又有一老翁覷之浴室中卒然道上呼乃公盡  
日相對誠慤通我不羨五鼎之祭旨且豐樹欲靜兮號淒風我  
不羨望雲山下惆復悵人有子兮弗能養閔子反哺情閔子承  
歡形披圖我凜凜况復人言罔間于家庭家庭之樂樂曷極我  
有烏私時戚戚空悲抱憾到終天無君之手親顏色

題毘陵黃仲則傳印圖

仲則爲山谷裔孫新得山谷詩  
孫銅印于桂未谷江夏閔貞爲

作傳  
印圖

黃子示我詩孫印上溯西江鼻祖之流韻如何支分派衍門戶

爭紛紜異代傳疑與傳信疑信合剖詩孫生天教此印重崢嶸  
印印相傳昭世守亦如我家之璧歸連城山左桂未谷雲烟生  
卷軸大篆小篆金石文許氏九千審其鵠範銅摹刻秦漢章朱  
花綠繡交斑剝何人私印誇傳薪衣鉢云從躡後塵莫笑杜陵  
分配享本來山谷有詩孫造化鬼神同秘惜精光奪目猩紅色  
心印猶存替者誰真傳勞向風塵覓我友黃子氣吞五嶽凌滄  
洲丰神縹緲神仙儔龜螭不得繫肘後黃金紫綬輕通侯揭來  
長安市上恣遨遊涪翁孫子誰同流詩孫之印未谷贈商葵周  
鼎千年宗物重向君家投隱隱懸針復垂露峩峩點畫疑奔赴  
陸離光怪赤暈昏鶴頭蚊脚青雲附閱貞爲圖授受真晶晶印  
紙生精神羨子心源傳嫡派登樓我媿倚樓人

燕子樓二首

春紅落盡小樓前十二闌干月悄然燕子空梁栖玳瑁尙書在  
日惜翩翹人歸一枕烏衣夢我到長吟白傅篇底事楊枝同此  
恨老來情緒更纏綿

芳名未肯累徐州樂府新翻雙淚流以色報人珠竟墮有心戀  
主燕常留芭蕉小院三更雨畫閣湘簾一夜秋試鑑盧家湖上  
影莫愁減得幾多愁

禪孝圖

金剛不壞身自在波羅蜜我非野狐禪惟求空虛實象教來西  
方滿月與皎日痛憶父母軀聲容不可卽卽禪以作孝孝不自  
禪出仿茲象教意禮親如禮佛愴然傷心迴合掌復屈膝地異  
祇樹園戒異如來律琉璃世界中構此光室悟徹禪孝理又  
假丹青筆

屏風疊次太白

九疊蕩翠樓青冷芙蓉秋水晶  
裁石鏡屏風橫寒流道甫問訊  
白天末詩激越人歸亭亭山梅  
弄纖纖月莫傾黃金鼎莫譜紫  
雲迴騎鯨客已去抱琴空復來  
烟霞張錦綺花木深亭臺丈人  
致素書尺鯉遺雙枚把酒酬盧  
敖邈邈思深哉翩然花蛺蝶當  
階舞紅葉誰言雲母輕隔座嫌  
稠疊風流雷仲倫蓮社借匡君  
太白一星墜又入神仙羣

開先漱玉亭次蘓

噫噓出雲谷笙鶴唳松風倒縹  
銀絲網密困魚服龍纍纍珠走  
盤耿耿劒躍空轟山附飛霆墮  
地成奔猱繞亭忽方流環珮聲  
丁東疑是素娥影初離廣寒宮  
又疑綠簑衣來釣白頭公玉縷  
切昆刀繚冒烟林中

棲賢三峽橋

玉淵下注三峽開清猿嘯斷悲風來  
鱗鱗蕭蕭千乘車橫枝直  
榦萬朶梅長公之詩清入骨椎倒  
峨眉厭月蝟堅瘦長輪紫翠  
間面目新看雲霧撥鼉鼉魚鰲蛟  
螭虬或偃或仰或垂頭忽然  
吞食怪事發水石激射凝不流東  
虹西虹美人愁銀河織女歸  
牽牛烏鵲逃入棲賢谷少兒曉上  
梳妝樓甚深法力過奔溜飛  
橋誰補青天漏靈靈猶聞出地  
賁喧厓競逐迴風驟

金陵雜詩五首

五馬浮江一馬龍烏衣王謝共雲從  
風流南史成家傳涕淚中原失舊  
封幾見奮興憂跋扈那堪專制巧  
彌縫智如崔浩評劉裕真果曹瞞  
事德宗

麻拂繩牀田舍翁寄奴王者一時  
雄小康繼數元嘉政大將終

思道濟風謝傳勛名何足異儉淵品槩得毋同石頭一木支袁  
粲砥柱江流浩浩中

蕭齊纔熾又蕭梁骨肉爭殘日不遑縱使黃金侔蔣阜深憂家  
弟在襄陽黑衣宰相風初變烏慢南冠恨正長塗炭已敎淮水  
絕可憐戎服講經忙

孝元恢復藉王陳誰識吳興命已新隱遯誅鋤憐太伯公行弑  
逆效前人樓船金鼓倉皇日結綺臨風醉夢春日月山河詩兩  
句景陽孤負苦吟身

鄱陽一戰勃然興隆準規模直遠繩偃武修文談法度禮陶樂  
淑愧因仍元勳誠意猜嫌甚靖難周公殺運乘燕子春銓謦舞  
歇有明終始在金陵

連雲棧



百里連雲棧長謫蜀道難青泥遙盡盡白水近湯湯箭帶風中  
鶴珠含雨後蘭聞鈴莫悽惻此閣接高寒

題胡冷香別母圖

小人有母不忘別遊子無家何以歸此種客情愁入眼試看畫  
意淚沾衣春風秦嶺蕭蕭馬秋雨柴關寂寂屏熟讀南陔詩一  
卷白描心事倩知微

出函谷關二首

羣峯東走拱函關驛路遙分霄漢間築塞家僮楊僕恨爲雞食  
客孟嘗還迴翔紫氣重光日收束黃河二華山逆旅主人尋尹  
喜問誰鶴髮更童顏

關河百二稱形勝道德三千括治安太史不教藏柱下神龍從  
此入雲端要知逐鹿同摧險方信驅民起揭竿西蜀子陽窺井

底東封枉自說泥丸

邯鄲旅店題壁

醉語方酣日已東  
春風輕漾麴塵紅  
黃梁炊熟不成夢  
那識浮生盡夢中

洹河

洹河西來遶城北  
水淨沙明沁淠淠  
治績人傳西史祠  
塞裳夢泣瓊瑰客  
何曾紂甲飲百萬  
早笑蕪秦盟六國  
尋源直溯上黨  
強順流亦據天下  
脊九節度師奚以  
潰貪狼引豺林成  
棘已是舟中指可  
掬漫誇馬上滅乃  
食千金萬金漑田  
渠咸亨至和淪  
溝洫荒郊瘠土  
皆膏腴墾陌開  
阡藝黍稷又殷  
報賽祀樂巴忍  
言娶婦譏河伯  
出雲降雨神龍  
奇戲躍晴天關  
雎霓

寄秋塍

躑躅泥塗衛源曲三日炊烟斷茅屋一雨經旬萬頃波雷聲電  
影翻江河高岡盤踞蛟龍宅平地水深三十尺鬼復弄人鳴啾  
啾兒牽爺手啼飢渴君前來此度端陽捧檄淇泉散口糧旱魃  
竟遭河伯妬陽侯羣鼓怒濤狂狂風拔樹如偃艸淮渦助勢同  
飛鳥蒼茫桐栢不肯降扁舟已自盈官道半載何堪旱滂仍報  
君知共更憂深朝歌自昔奢靡慣莫怨箕風畢雨星

### 兒啼饑

嬰兒失乳不能語呱呱戀母饑啼苦弱小原來肋似雞嬌疑那  
省頑如虎爾父官貧骨自清十年宰合手持平窮簷常痛斯民  
瘠赤子誠求我淚盈同此情懷更無告況是頻年悲旱潦赫赤  
驕陽水斷流飄零苦雨蛙遊竈兒尙食糜兒勿啼眼前待哺滿  
黥黎殷勤普問嗷嗷口共說兒啼一樣饑

嶺南羣雅

番禺劉彬華藻林輯

李符清

字仲節一字載園台浦人乾隆癸卯順天舉人歷官束鹿清豐知縣開州知州著有海門詩文鈔

題梁篠素打包行腳圖

野鶴鳴空山閒雲宿孤樹雲移鶴亦飛飄然一僧度廣陵有才子早歲馳名譽奕奕挾天才飄飄凌雲賦落拓海門東美人傷遲暮紅塵四十載因緣而得悟悟透色是空悔被儒冠誤草笠與芒鞋幡然改故步一肩荷行李欲踏天涯路嗟君託緇流其心亦良苦應知大千界由來無去住一塵原不染打包向何處還叅佛在心自得禪中趣何必脫儒巾更入空門去淵明拒遠

公千載有餘慕所願返其真依然一條素

昭光寺古鐘歌

并序

古鐘不知製於何代上有南越昌符九年鐫銘云寧  
衛將軍網得於單咭海口置之昭光寺中體製精工  
光潤陸離舊志稱陰雨夜輒騰空與龍門寺僧因截  
其紐上龍角云今改置學宮暇日觀之爲賦長句

象物鑄鐘龍在鐘入海門龍鐘卽龍雷澤之梭延平劍此復變  
化多奇蹤咄哉古鐘自何始寧衛將軍獲海底其國南越年昌  
符鑄以新銘閱千祀懸之梵宇旋騰逃天池怪物起相鑒一夜  
轟雷振溟渤潮波汨起三山高平明忽挾旋風入苔蘚淋漓身  
尙濕朱鱗火鬣幾摧殘絕島如聞老蛟泣寺僧見之心驚惶截  
其兩角形爲戕尙恐佛力不能制俾遊聖域依宮牆我每拂拭

訝奇古寶氣斑斕耀廊廡鳳笙鼙鼓相追陪位置於今欣得所  
鐘今鐘今爾有神昔時猛鷲今宜馴泮池一水且偃息勿乘風  
雨飛滄津

彭城懷古

九里亂山如列陣呂梁懸水三千仞大河洶湧萬里來乘槎正  
趁桃花汎離離春草茁郊原裊裊新柳搖遠村眼前景色堪自  
適英雄形勢安足論君不見隆準重瞳俱寂寞唯有山人雙白  
鶴千秋來往白雲間石佛山前自飲啄

三閭廟

長吟過七澤弭棹弔三閭身放猶哀郢途窮更卜居祇緣傷邑  
犬寧自委江魚千載湘流恨誰投賈傅書

度大庾嶺二首

萬仞梅花嶺風塵數往還北轅爲古道南服此雄關地遠迴孤  
鴈天低入百蠻故園千里外回首暮雲間  
秦漢稱兵日關門鳥道盤險輕千鐵騎封此一泥丸霸氣消沉  
久梅花取次殘時平通貨力轉運萬夫歡

書懷

斷纜船偏在急灘迴頭身世揔漫漫五年作令知官況四海論  
交得友難徒有棗書行篋壯幾時松菊故園看浮生早識升沉  
定祇是黃梁夢未闌

壬子除夕兄弟子姪齊集欽州潘氏姊小江吳氏姊亦  
歸度歲漫誌一律

一堂骨肉話辛盤如此團圓最是難十五年前憐作客九千里  
外又爲官余春夏間當還直隸補官先靈雖安猶餘痛伯姊來歸且盡歡無

事然薪相暖熱滿庭和氣不知寒

送葉曉山戍邊

方順橋南折柳枝尊前低唱渭城詞  
揚鞭不灑臨岐淚始信班超是健兒

過深州

下博人傳古戰場一鞭斜日繞山莊  
蕪蕪亭畔寒煙起立馬猶聞豆粥香



嶺南羣雅

番禺劉彬華藻林輯

劉統基

字未山惠州人乾隆丙午舉人官陽江訓導著有南石山

房詩鈔

王壺山房詩話未山與余同舉於鄉達吏治官廣文十餘年任渭川辭薦廣志益恬淡惠州詩人余所知者黃初陵稀趙渭川希璜及未山如鼎三足初陵詩余於廿年前見之今無從得其遺集可錄者渭川未山耳未山嘗有十年宦況書千卷五夜齋心月一輪之句爲馬魚山所激賞余師邱滋翁先生亦稱其詩學杜惜余所見皆近體故所錄不多焉

野吏亭

不見陳文惠流風百世聞荒亭留野吏老樹識將軍

亭前荔支號將軍樹

天遠浮雲外江寒落葉紛蘇唐共千古憑弔倚斜曛

東坡子西前後謫惠

古榕寺

二湖行已盡野寺枕高峯地僻稀遊客山深認古榕病僧閒掃  
葉幽鳥靜聞鐘啜罷珠泉茗歸途烟霧封有真珠泉味甚甘冽

余忠宣公祠

忠宣祠廟枕肥流翠栢陰深幾歷秋爲問老臣危素謫履聲曾  
否到和州

徐州渡河

呂梁山勢鬱崔嵬春暖徐州霽色開九曲水從天上落單車人  
向日邊來歌風隆準雄圖盡戲馬重瞳霸業灰今日渡河問遺  
跡亂鴉飛處是荒苔

五人墓

正士罹冤日愚民感激時閭威一鷺懼直道五人持忿豈微軀

惜心惟白日知至今烈士冢不獨指要離

苦竹洲聞鷓鴣

萬里賓鴻共客途吳楓落盡楚山孤何堪暮雨瀟瀟裏苦竹洲  
邊唱鷓鴣

飛來寺

古寺號飛來飛來自何處只聞寺飛來不見寺飛去

和人西征詞

秦南蜀北動悲笳萬里西征莫怨嗟十二飛梯人迹杳熱風吹  
馬度流沙

上樂昌瀧

立石奔濤怒擊撞羣呼邪許破湍瀧難于太白青天上險借昌  
黎大筆扛似有鬼神森白晝時聞風雨灑空江平生忠信差堪

仗敢道雄心未肯降

生朝有感呈邱滋畬比部

餘生骨肉幾人存身世浮沉那復論  
遊子老難忘母難冷官貧亦荷君恩  
天涯旅況歸吟草歲晚鄉心入夢魂  
早起焚香還自祝蒼然華髮對青樽

五鼓過羚羊峽

入峽復出峽羚羊高萬重亂山深樹裏  
遙聽幾聲鐘石壁穿雲蘊巖花滴露濃  
凌晨見江路漠漠曉烟封

嶺南羣雅

番禺劉彬華藻林輯

謝景卿

字殿揚一字芸隱南海人諸生著有雞肋章

王壺山房詩話芸隱先生博雅嗜古精研六經之學篆刻  
直追秦漢鑒別古書畫真贋立辨一經品題聲價遂定嘗  
選集漢印分韻四卷藝林珍之中年後日以藏書課子爲  
事長公青巖雲生師其篆刻仲子澧浦庶常蘭生詩文書  
法兼工季嗣退谷觀生能畫悉由庭訓天懷高曠不求聞  
達海內名流游粵者靡不造訪與先子訂交談藝最相得  
其詩清健恬和具有雅人深致先生生平不作畫而妙  
達畫理其教退谷也憑几觀之有談轍令改暇則爲講王  
右丞唐伯虎畫法  
故退谷藝特精妙

題米元章拜石圖

鼎彝獨數清閨花木最昨平泉莊嗜奇若者似倪瓚選勝未  
有如贊皇何來一品洞天石有客下拜心不遑鞠躬稽首真帖

服倒屣下地尤踉蹌拳曲痾僂兩絕倒宛與石勢相低昂雲根  
鋤來倘負嶠星精聚處惟谿堂含烟不斷滴幽翠嵌空作勢穿  
冷光介于本自叶貞吉俯伏孰敢嗤顛狂懸知下筆五日就乃  
使米老縈中腸我心不轉亦堅僻安得攫取懷袖藏米家書畫  
皆琳瑯麝煤貫日彩虹長文章壽世等金石煩君爲我摹仙航

菩提紗

訶林古寺菩提樹根絡盤拏葉繁布薰風五月長清陰片片桐  
圭不知數生天本自香國來夙業肯隨餘劫去按掌落葉作輕  
紗黛綠依然返純素波紋蕩漾細於絲蟬翅輕霏薄如霧幾疊  
兜羅軟褶綿千瓣池蓮香滴露水綃雪練俱浮名蜀錦吳綾亦  
塵汗却疑園客爲纈成若贈鮫人心亦妬昔聞智藥來炎州靈  
根始種虞翻圃蕭梁舊植幾春秋法界輪迴若朝暮浣除忽現

淨名身拂拭詎愁顏色故最宜老衲製筆筆更入文房作供具  
我生結習未盡除每從拾得書新句紛披滿院皆瑤箋汗簡誰  
將續陳鑫禪堂一軸寫經圖案上楞嚴細填注疎林恰映貝葉  
光妙締無言試參悟貫休畫本尙珍藏法物應須力呵護願收  
雲葉寫微言尙有金繩開覺路

采珠詞

洪濤噴噴水連天老蚌深藏百尺淵采得夜珠歸掌握一天風  
雨抱龍眠

舟過沉香浦

長物汙行篋頻投白浪堆還他滄海寶不惹博山灰潮汐寒如  
此夷齊安在哉天全廉吏節餘馥尙江隈

秋曉田家偶作

涼風入孤枕瑟瑟鳴秋籬茅檐早雞啼葦岸殘月落人聲出江  
郊嵐光胷林薄役役影與形勞勞息復作何曾怨苦辛但知有  
耕鑿我生視勞薪一廛難著脚正如未敷畝無由希刈穫黃雲  
被壟坂清溪明略約霑衣露溥溥壓檐香漠漠不爲物外遊豈  
識田園樂

中秋偕諸子上妙高臺并約羅浮登高

雲邊烟水水中洲路轉花宮夜色幽氣接混茫山斷續胷無芥  
帶月沉浮三千世界開生面四百芙蓉接上頭白鹿青崖吾有  
分諸君莫負海天秋

夏日泊舟大通寺

爲愛幽栖地納涼聊泊船萬松圍一水深竹翳三天赤日藤牀  
簟晚風花院蟬還陪老禪衲跌坐佛龕邊



劉曙先卒於去年九月見其穉女感賦

芙蓉城上去如馳身後化離那得知  
人道中郎猶有女誰憐伯道竟無兒  
嘔心舊句疑爲血鍊藥成丹不自醫  
叢菊欲開雙淚落可堪重憶大招詞

竹庄春曉詩次李邵村韻

簾捲衆山綠窓開羣鳥喧清機自天發  
幽意與誰論花氣沿江樹炊烟臨水村  
催耕人起早春事滿乾坤

典衣

半生於爾最綢繆貧似無情不暫留  
綈贈更誰憐范叔淚零猶記濕江州  
曾經捫蝨談天下豈爲懸鵲竟賤售  
翻羨食貧蘇季子歸家還有敝貂裘

甲申秋喜殿賓弟歸自雲南

滇南初上路如天憐爾饑驅踰一年陟屺暫寬慈母戀濁醪先  
喜隔離傳勇能入險原拚命歸可藏身緩着鞭指畫山川開口  
笑語音猶未變從前

遊五仙觀望懷聖寺光塔次杭堇浦先生韻

飄飄五仙人隨風下塵陌手提九蕙禾脚踏五羊脊裴回山海  
間相土得安宅至今羊城隅廟貌猶烜赫光律起高殿穹窿臥  
蒼石仙踪無去來人事自今昔君看陰房中冷光出深壁洪鐘  
暗不鳴誰能辨繁瘠頗愛高飛樓縹緲振吟鳥孤標聳層雲迴  
風倒巾幘猿猱無由升歸鴉時拍拍緬彼懷聖心顛倒阮孚屐  
浮生如夢幻過眼便陳迹誰使後世人登高猶跳躑古來作事  
奇入望眼凝碧何況仙石留蹲伏苔衣積淩空發浩歎倒影四  
山夕歸途繞迴廊撼樹風撼撼

春陽臺敬懷白沙先生

臨川歸後坐春陽靜裏端倪直以方試聽微言衝口出超然元  
箸箇中藏綠屏雲淨天圍野紫水花深月滿航等是浴沂歸詠  
意更無詩客敢言狂

懷人十首 錄二

人惟能忍始能容昔有梁鴻亦賃舂散木在林無櫟斲五兵入

冶捻銷鎔

鄭敬熙

三春紅雨艷陽天結客珠江夜放船食蓼漸知辛苦味指園豪

氣尙依然

呂秉衡

題汪樵水做大癡聽泉圖

井西道人號一峯行年九十顏猶童烟雲供養得真趣遺迹上  
可希關仝遠師前輩有樵水拂拭塵垢來追蹤淡然落墨欲無

墨筆力堅瘦心神融何來一道急飛泉崩崖轉石聲隆隆雷騰  
玉峽驚未了森梢老樹吟天風飛泉有聲樹有響四山答和酣  
笙鐘羅衣颯颯曳杖者聽泉直過雙石饒由來畫師泉石癖肌  
骨沁人清冷中畫中之人意蕭散母乃擲筆親扶筇富春江畔  
釣臺側一峯舊宅烟雨濛爲憑樵水善繪水秘響一綫能潛通  
壁間見此好邱壑坐臥三日耳亦聾安能獨上凌垠堦臨流高  
駕赤鯁公

寫韻軒

塵世食貧資點墨神仙餘劫尙斯文天邊古韻無傳本花外雕  
欄空暮雲

午日陽江感賦

綠凝蒲酒懶銜杯士女嬉遊閫似雷淫雨連旬侵病枕驕陽一

隙漏荒臺龍舟水泛靈鼉奮魚留星沉旅鴈哀遮莫籌荒還力  
役濟時端賴范公才

歲凶而遊者  
不絕故云

聞佑民移居佛山賦此寄贈

泛泛沙中鷗逐隊無南北翩翩天際鴻銜蘆出中澤我如鴻遠  
征不獲息羽翼君如鷗退閒胡然屢遷適兩鳥無二心一心繫  
衣食有粟活諸雛堅心守四壁聰明難累人所愧爲物役

共有聰明

累佑民贈  
予句也

君非郭橐駝學著種樹書臨流張素琴對花結綺疏我嘗三四  
來愛此好屋廬聞今又捨去不復事耘鋤纖當問婢子耕當問  
農夫舍長而用短如使樵者漁擇術難再悞君宜鑒前車

嶺南羣雅

番禺劉彬華藻林輯

溫汝能

字希禹一字謙山順德人乾隆戊申順天舉人官內府中書著有謙山詩文鈔

玉壺山房詩話謙山性豪邁等金玉如土直官都中文酒之會無虛日有玉山草堂之風嘗搜輯粵東詩文爲詩文海自漢迄今千有餘家爲書近二百卷書成夢古衣冠人十百爲輩持卷載拜而去又嘗搜陳巖野遺文及其子元孝與孫曾輩爲陳氏五代集人尤義之所爲詩亦原本性情芊綿可喜

戰城南

去歲戰城南今年戰城北八千飲馬河水黃十丈張旂關塞黑賊何在不可測烽火然半天赤料敵今無馬季良撫士安得郭汾陽丈夫無謀祇辱國青山白骨徒悲傷屋中有犬走食人肉

野中有烏饑啄人腹嗟哉肝腦已塗地將軍袖手看賊至賊至將軍逃賊歸將軍送誰能誓死戴天不共

平陵東

平陵東荆棘叢劫何人乃義公猛風吹沙復揚土力士持刀如怒虎縛之馳喧伐鼓誰救義公敢來前公如可救安惜金錢牽馬賣不足歸家思賣犢賣馬賣犢徒悲呼仰天大哭聲淚枯

離家

惘惘離家日帆開意漸紆喜逢新歷處盡是未經途水鳥鳴溪畔山花夾路隅客中風物好會異故鄉無

平原道中水溢

杳杳平原上茫茫野水寬舟浮一葉小馬渡半溪寒入望忘秋隴穿林訝急湍相看南岫近又是夕陽殘

正月十三夜雨後見月喜作

今年初見月獨立待雲開  
祈社酒將散看燈人未回  
烟深花影淡徑滑草痕堆  
隱約微光際松陰一鶴來

德州旅邸遇約齋兄南歸

萬里迢迢弟與兄相逢一夕又分程  
挑燈不盡故園語抵足遙深大被情  
歸路馬嘶行半夜別時愁況月三更  
何堪咫尺瞻望遠地北天南兩雁聲

讀李令伯陳情表 二首

純文寫出涕洟痕烏鳥聲泣國門北  
闕天高陳素抱西山日薄畏黃昏  
孫能奉祖真全孝君不違臣亦異恩  
但得報劉酬始願悠悠遭遇更何言

一家幾見百年親喜懼交并語自真  
已廢蓼莪重下淚忍教菽



水更無人夢魂尙有酬君日歲月難留報母春世上倚門多白髮好傳仕路各書紳

讀莊子說劍 錄二

此心聞道有天游劍術何勞說未休三尺鐵消憑寸舌儒冠端自藐王侯

止劍何須治劍衣三千賓客未全非不平事滿人間世莫化虛堂蝶夢飛

嶺南羣雅

番禺劉彬華藻林輯

呂堅

字介卿一字石颺番禺人歲貢生著有遲刪集

王壹山房詩話嶺南四家石颺最後歿張黃黎兼工書畫  
呂遜之呂爲古文張黃黎亦不能及也

擬有所思

有所思乃在長河湄何用表素心玉軫黃金徽調絃無厲節  
以鴛鴦錦開君有兩意不御鴛鴦寢妾有夢君能歌聽君歌一  
曲天下美人多美人難再得妾亦奈君何妾亦奈君何客來檢  
祗問兄嫂兄嫂云是秦羅敷沈水香博山爐當時一氣凌青天  
於今死灰不能熱不能熱香殘火自滅語兄嫂珍少年珍少年  
容易老卿未饑妾曾飽多情人最不好兒家寵上薪是妾河邊

草

惱農曲

雙棲鳳凰洲要我潮水頭鳳凰翔千仞但見潮水東西流二十  
一橋橋上花花慢風嬌似若邪那得郎心似春水春水復來儂  
浣紗昨日與君結同心贈我瑋珣簪解我明月珠綰我青絲髮  
緩我紅羅襦富貴之交耐長久頗頗糟糠怨何有情如絲布澁  
難縫珍重銀瓶合歡酒

狐語

春紅欲誰媚胡粉羞香妥我未知人心人亦未知我

獨坐

春宵常獨坐百計不成詩有夢因元伯無人說項斯家寒嘗酒  
得雨細聽蟲知頗悔從前事吳門未賣癡

讀玉溪生集

瑤草璫花爲不芳西崑才調鬱金香春風郎署翻紅葯古道隋  
堤踈綠楊仙籍半勾奔月姊陽阿一曲嫁吳娘多情个是悲秋  
客更莫疑窺宋玉墻

輓許大波處士二首

浪跡山邨久避名更無消息到仙城生天公遜謝靈運大波嘗

業文人我所未及至若爰絲所慕急人之急而不自卹其家如

范式季心者吾無多讓焉譚山許族孔繁成呼爲魯子極也

死友吾慙范巨卿妖夢有徵知佩玦前夢大波以扇頭挽歌辭

哀問鬼鐙如漆想談兵戊子肄業粵秀山房與大波聞鷄夜起

壯情豪生平快他年太史求遺草誰訟生平紀獨行意事惟此一夕

眾口能銷百鍊金一貧莫慰美人心年來困憊雖平昔伯鸞已

葬誰窺案扁鵲如生肯受鍼大波以二月廿四日得病廿九偏

有性靈償造物可無肝膽報知音誰鋪富貴黔婁被典去床頭  
未御琴

越臺四首

阿堅番禺諸生也少矜風調好辭賦爲人倜儻有大  
節狎山槃澗落落於世情然而雌雄合虜弄吳兒越  
女折花投紵弗許也悻悻少剛性寡歡而多恨報以  
謔詩輒低回久之居三十有三年蹙蹙靡騁家貧倦  
遊連蹶于有司脫輻焚琴蚤絕情好生平死友履迹  
於黃泉非文何適日讀玉溪生柳枝詩及所爲序悵  
然甚久曰呂彼其才胡爲東諸侯取去文人當如是  
耶卒業四篇之詩心知其意屬有所思不得當因譜  
作越臺四首以貽知音者傳曰心志旣通名譽不聳

朋友之臯也。吾欲起九京之人問之而亦不可得也。  
春風剪剪春山青。金鋪紅桂局香靈。相思環鎖自糾結。井上抱  
缺雙銀瓶。紅襖了鬟年紀小。荳蔻梢頭纖月朧。嫣然一笑猛關  
心。女龍不爲巫雲。東隣大姊去。湔裙青溪小姑馳。念君博山  
鑪煙出沈水。一絲孤細干青雲。手擘新黃栽柳帶。燕臺怨斷鶯  
鶯在。詩人老去不勝愁。叫破天門簪碧奈。鑑湖山色春如熹。雙  
娥對食相逢早。海枯石爛結同心。血灑西陵陵上草。

右春

越王井結鴛鴦綺。何年瘞玉燕支水。雲峯如繡葬神仙。月娥搗  
葯雷公死。素馨小妓最天斜。仄井銀絲一綫花。香魂飛上張喬  
墓。郭北綠楊棲暮雅。紫微花貼嬌紅鉞。露冷明河却綾扇。蒼龍  
九尾鑄神宮。星妃不渡牛郎狎。人間年少長相憶。郎似蓮根妾

蓮蕙個中甘苦阿誰知紅泥亭子慙相識銀牀高樹譜蟬聲解  
道憐才阿姥驚瓜刀魚腹教去郎剖腸斷不因郎有情

右夏

駘蕩銀盤出東海幽光欲掄長河彩更無烏鵲填飛梁淚灑靈  
梭紛綵綵析木之津自來去人間那得相思處夢作鴛鴦君不  
知雙棲紅豆眞珠樹金蟾悄鎖合歡床薰籠甲煎閒丁香一縷  
晴煙別滋味千里月明儂與郎郎今走馬邯鄲道妾分若耶溪  
畔老金風玉露不相逢抱得秦箏歌懊惱調急商聲迸銀甲紅  
冰爛剥犀簾押阿環釵盒浪多情好割天鷄爲郎歎

右秋

美人繡鬢憑西樓寒薄簾空去黃金鉤霜氣流天月色苦瓠瓜  
無匹女媧愁釵蟲倭墮青絲綰思香百媚供郎眼龍川鏤弩不

釋機海紅羅壓細覆繡梅花邨口消晴雪檀板一聲腸斷絕誰  
家天子號無愁何處才人不離別天風浪浪吹碧山贈我瑤玉  
螭頭環終古相思不相見斫地長歌行路難女兒早嫁箱黃竹  
莫爲小家憐碧玉濕銀千頃葬夷光南望瀟湘片雲綠

右冬

夢遊得詩記憶二絕句

潘郎雙鬢沈郎腰添却千條減一條梳罷柳枝圍作帶水西樓  
下竹西橋

金魚紅桂鎖因緣對面青山嘯杜鵑勸且含情獨歸去一天涼  
露月初圓

寒月

零露如煙玉宇沈亭亭素月瀉寒林幾家折柳疎聞笛何處征



衣聞擣砧虛幌半奩思婦淚倚欄千里故人心霜華池畔分明  
見猛向潘郎鬢上侵

番禺竹枝詞三首

越王臺下歌舞岡呼變道坐海龍王今年穀貴草芽碧月月新  
官行課香

三月賣花人過河東河不似西河多素馨田畔誰憑弔止有珠  
孌喚奈何

銀簪削蕮蕮葉青簪織蕮直好生情郎似蕮皮妾蕮骨郎恩不  
斷妾身輕

春日偕黃虛舟過肅空會沈西峯卽席二首

錄一

城上抽新草天涯洽故人潮迴半山雨酒送百年身吾道存孤  
直浮生得賤貧東陽空自瘦入幕快嘉賓

遊磊園同張葯房周松厓顏菊湖六首 錄三

曲磴繞方塘朝暉倒綠楊遊魚狎冠冕飛鳥學笙簧雲氣蒸書屋虹光貫夜航可如清祕閣拜納海南香

李髯曾到處風雅澤雲根石蘚經年碧苔花舊雨存顏魚春自

樂白獺夜猶喧池舊有獺倘壓枕榔麵儉儂不竝吞南澗思平竹枝詞城頭喜壓枕

鄭莊我是中原兜餘俗

我聞魏冰叔機息好園英丹橘收奴課黃鵬洽友聲此閒宜嘯咏小閣綺紅小閣最幽處也費經營月上藤蘿石春陰患不平

董勿逸先生觀孔雀開屏詩

少偉氏迄嬌與姬威鳳紀歷鳴呂儀楚狂二歌歎已矣天南孔雀何紛披衡山鬱鬱結霸秀卦象惜未收之離雌雄媒合有力者是亦天地之淫奇微禽金碧頗自秘寒士鮮見難摘辭南儂

卷一百一十五

北窗氣握齟欲觀妙舞張髮鬢有如麗婦嫁醜老百結不解長

髻縞董公淹雅舉毛德迫爾戰戰舒瓌姿尻高頸縮脩雙翼博古

編精固赤幟護醜旋如規看雲乍移開雉扇綺霞欲散飛鸞旗

長也青錢萬个在公選巧織巨麗天孫衣殊尤不得集靈囿敘中神

王烏序宜琬籠玉簇望君解摩宰六翮超雲泥山南山北一相

過翠帳十里爲君施颺然收屏亂荷雨碎憂玉佩飾金絲便當

垂翼棘闥外安得龍門棲一枝時錄科堅幾不見收公亦閱卷于院內固與當事論文不合遂

不幸事外人口語藉藉公之去善矣公憐此鳥問鄉子司文者也吾知之

別二樵舟曉

一篙春江潮水平四更殘月海雲生與君擁被便爲別不信古

今人有情

獨唸圖聯句

橐籥鼓羣生傀儡約方軌

呂堅

檐牙旣龍馴海角息鵬徒

黎簡

高言排衆心大聲格里耳杳乎真人想進乃樵者技

黃丹

芟落

金碧山挽斷銀潢水

堅

隻轍絕踰踰虛舟渺涯涘

簡

雕談懸河

寂玉立過雨洗

堅

偶覺喀然喪靜得諸有始仰面漫應錯去遠

見似喜避名炊閩肯出險履虎尾文豹春蔚澤蒼隼秋睥睨崢

霄轟奇雲轟潮上橫海

簡

幽憂懷杜蘅恭敬緬桑梓

堅

新詩破

一粟舊緒入萬里冥冥蟲蝼莖墨墨蜂抱藥

簡

鰥鰥魚目愴瘖

瘖蟬蛻委乙乙蚕抽絲涎涎燕茸璽

丹書

飛一一鶴聲鳴雍雍

鳳峙

堅

蟻封規規旋牛刃恢恢解

堅

集枯何吾吾免俗乃爾爾

烏然然乎然惟止止衆止神力幹溟滓鬼膽破飢骸

簡

輒疑

簡

孫登嘯差類子輿唯

堅

麥奧謝醋甕驚詫失噫

簡

生高歌人燕市攬轡辭金臺彈缺跋珠履曩遊七鯤社茲就五

呂石

六

羊郎堅初攬朝臺雲薄樹南園丹車笠尋古盟幫屐萃有美欸

門犯風雨聯床等兄弟丹書蠻觸靡有爭蛭駟直相倚王模彼

或形支離此亦雜謔詆堅共勉顙脫囊一笑肉生髀丹書還能

醉卯酉未免呼庚癸偶持鈔易餅閒出帖乞米第求步兵酒爰

設穆生醴堅唾壺缺中聲樺燭移暗晷長宵疇樂甚小別儂傷

已江湖溯韓孟河梁悵蘇李丹書素交數千人青眼二三子季

心疾在亡仲翔慨知己簡須眉恥面首骨肉許生死少作尙嚴

舉今望竟旗靡勁敵靖交綏寡和激流徵大釣轉泥範良瑑滅

創痍縑素念靡蕪金玉飭簋簋聞人但存松柏性遞長犬馬齒

願與圖中人長吟衍繁祉堅

偕黃確亭北郊試馬看梅

夕陽鞭影趁梅花片片障泥映晚霞樹色欲陰邨口路炊煙如

縷野人家眼前飛白橫  
拖練霜後留紅細點砂  
歸去馬嘶門早閉  
香風盤鬱落山茶

偶占

醉眼看山色也空  
一生愁破酒杯中  
燒殘蔓草連天黑  
霜點梨花落地紅  
合藥門茶明日事  
折枝吹襍片時風  
松濤麥浪俱無謂  
客氣全消任轉蓬

硯沙感事

四山雲護硯沙平  
想得前賢峽水清  
不似爾廉天地濶  
尙傳此石古今情  
黃茅綠樹深深屋  
西潦東橋緩緩程  
獨是吾徒相望久  
幾回攔筆聽風聲

望鼎湖

聞說仙湖頂上瀾  
一垸深樹鎖孱顏  
可憐近水不知水  
自是離

山好看山矜角倒排峯錯落烏號疑抱月彎環尙尋跡蒼梧  
遠應想安潭靖百灘

仙館水仙花和主人三首

錄一

北地佳人翠袖寒  
竭來江上倚闌干  
嬋娟香艸湘纍意  
不讀離騷不許看

題劍川刺史惲星齋藝黍圖

君先司馬之外孫  
以名著姓族不繁  
南山種豆半其落  
鼓瑟擊缶歌煩冤  
諸侯不得請史記  
表章舅氏開淵源  
邇來上下二千載  
文物堆過黃山顛  
黃山脚下黃茆屋  
丙舍墓田如菽粟  
國初高士號南田  
山水肯輸王石谷  
惲冰秀絕花烏圖  
按譜實爲君從姑  
鐵簫然指萬花落  
越女弄劍寒春膚  
家法兼長君束髮  
一擲金臺千兩錢  
經訓畱翁亦有秋  
甲榜兵曹青瑣闥  
一麾乃出

彩雲南迦葉傳衣淚石龕雙淚潤田三百頃西僧稽首索雕談  
雞足三叉彌勒水說第四泉差愈此點蒼山下海西流回首江  
南八千里點蒼山石生如畫翠竹青松黃穉種荷鋤檐楹度石  
梁谿山掩映吳淞壩農自耕田婦養姑噢咻兒嬌小女姪豈必  
牛羊蹏蹏千桑麻雞犬都無價曾請紅綾餅餽嘗白雲親遠宜  
休假道是人生行樂耳紗帽籠頭不閒暇石上經營藝黍圖  
凝油油膏雨下餘力還能讀我書今不遠遊真學稼暑種秋登  
壓春酒介眉好把青山桂櫺歸一幅剡溪藤力田孝弟平生話  
伍東坪霖川震南招同顏心齋伍青田顏雨亭謝禮甫

遊濂泉作呈諸先達

山靈小小結情緣一派流泉聽廿年磐石既移青出水長林經  
伐綠如煙從來後輩催前輩解得神仙盡鬼仙幾樹老梅親手



種春心何處與人憐

贈惠州伊墨卿太守

酒泛湖西各有鱗到來玉局證前身文章千古誰孤住心迹雙清見此人秦望羅浮分主客漢歌龍馬足精神梅花嶺上王陽轡誰識分符爲老親

寄孫平叔

不識孫平叔羅浮上界峯情深大海水句警五更鐘平臂良難喻無因亦可宗片雲棲百粵東野化爲龍

經甘竹桑田

曾侍慈親五十年

先慈過此作詩時堅始入

苦茶甘竹閣桑田後來過此

渾忘却今日能詩始惘然

鄭廣文曉園珠江離席

止見煙波不見愁夕陽西下水東流珠娘一盞紅鎗酒明日楓亭古渡頭

陳寄亭園內詠緋桃

北方美人豔南國春風酸非梅亦非杏如火復如丹東家頗好色植援敷闌干寄亭招我飲醉眼不能看幽芳有時落絕調那可彈息嬌旣不言李廣亦長歎此情未能了明月照雕欄

病中憶仲卿仲卿卽過存成一首

因心誰則友次骨我思君瘴海三年病巫峯一段雲小園摹北苑高調領南薰肯折青溪屐來看蔣子文

送春和仲卿

小園生綠落小雨似黃梅高閣留煙客飛花戀酒杯愁多明日事閒或老僧來漫折橋邊柳夫君爲爾回

和仲卿明月落中夜照我衣上碧詩兩韻夢中復續四語是吞丹篆人詩意也存之以備一體

二八金釵橫十四玉樓碧不是謫僊人三五負良夕我願化爲月卿護我圓缺願爾化爲雲低頭常見君

寧海登高

筍竹花開十里黃叢祠淺艸意蒼茫海門欲暑慈元筆祇望厓山不望鄉

送何數峯出塞

月初生處玉門關城角斜飛一片山分照故人頭上雪幾經圓缺賜君環

嶺南羣雅

番禺劉彬華藻林輯

張對墀

字丹崖大埔人乾隆戊申舉人

韓山懷古二首

錄一

刺史南來雨雪寒八千里路薦艱難身當九死猶毆鰐山到三  
唐始姓韓碑蘚重摩鸚鵡綠盤芳欲薦荔枝丹登臨莫厭山峯  
小北斗高明一樣看

題簾

楊花糝徑草痕新小隔湘紋似避人留得妙香深自領不教春  
燕喚開頻

七夕羅江泛舟遙望羅浮

倚棹憐佳節推篷獨自吟前山風雨氣永夜女牛心碧漢橋方  
駕丹爐藥未尋片帆滄海路彌望紫雲深

次芷灣曉雨原韻

好句飄然得山中對雨人蕉聲清集院花氣藹凌晨烟暗似無  
地雞鳴知有鄰明朝看野色滿目草痕新

題謝雲隱年伯

景卿

聽瀑圖小影二首

錄一

空山吟白龍天晴挾風雨箏笛不爾諧琅琅自太古古聞匡谷  
君馴龍上湓浦幽廬構絕壁清聽滿巖戶而我雲隱翁道腴漱  
靈乳似從西樵麓結想石梁塢晶簾爽形骸天籟澄肺腑畫機  
並清妙融神到阿堵我欲從之遊夢攀蓬萊股

東垣

收取中山壯北藩趙家形勝在東垣狼烽迅接邯鄲驛鐵騎遙

連鉅鹿屯竟日寒雲栖故壘爛天芳草變春痕太平時節耕桑樂叱犢人歸柳外村

牛背讀書圖爲顧八蘆汀作

世人讀書爲應舉鷄窓短檠綴言語一朝馬上青蓋張歸來縹緲塵土試問騎牛者挾冊意何如牛背人與馬背殊牛背所讀真吾書

古藤書屋冊子題句

其序云癸丑八月自清嶺移居海

也初爲大學士金之俊第薈芝麓蔣京少黃俞邵周青士先後寓此今有鄰余氏有藤指爲古藤書屋按檢計騰笑集序庭有藤二株一本在柳一在旁貼湖石皆在其中以坐客賦詩今寓舍止有藤一本在柳湖石皆在其中而余氏之藤証此稍遠豈余氏別是一本所謂二本者僅存其一耶既屬李君秉德作圖且乞同人賦詩紀事

味辛趙懷玉

孤藤壓庭影低亞百年前是一藤舍今藤一入西鄰家枝柯不

交勢難借。檉柳湖石。此中存未必。一藤遽先化。人間開口稱滄桑。坊巷少遷詎足訝。此藤例伴才。人居竹垞已來長。聲價希風重。翻騰笑集想。見吟牋對酒炙。燕子入巷。藤花開兩家。香氣藹幽。靡舉條各有朱老存。朱老冥冥已長夜。天水先生好事者。作圖徵詩適清暇。愛藤愛屋情何深。此中有味如噉蔗。未知鄰家有此不寂寞。繁花落風榭。乃知古藤亦有遭。前後名聲系曹謝。不見空山藤似龍。年年風露掩桑柘。

七夕嘆

咄哉河漢女。織錦洩天秘。終古足別離。臨波含愁媚。低頭弄機杼。千幅具工緻。寧知薄倖因。實爲巧所致。造物於羣生。予奪各有意。庸福歸拙物。奇窮抱衆異。孔子巧于聖。萍踪淹無地。左公巧于史。以育永廢棄。飛將巧于兵。數窮輒失利。六十不封侯。餘

年乃對更。韓子巧于文。五鬼相狎侍。大學飽蠶監。窮荒禦魑魅。  
百凡坎壈者。無非慧巧累。天惟塞其身。乃以通其智。君看寶滔  
妻。豈不多巧思。夫壻久行役。迴文成錦字。福薄而藝工。聞之隕  
人淚。可憐癡兒女。瓜果樓頭留。牽衣深深拜。頻囑天孫賜。胡不  
安鈍拙。而爲此多事。得巧傷乖離。誰忍奪所嗜。

出都門

隴首飛雲帶麴塵。帝城東出正無垠。秋鴻去路長如我。疲馬  
登途懶過人。霜信又催雙鬢落。方言惟有一童親。郵亭今夜西  
風急。欹枕愁聽落木頻。



嶺南羣雅

番禺劉彬華藻林輯

方天根

字應復一字子谷香山人諸生著有風佩軒遺草

玉壺山房詩話子谷多才而天與胡同謙張玉淵並爲時  
彥惋悼而子谷獨不自存稿今所傳風佩軒遺草其從弟  
竹孫所蒐錄也天才雋妙於此可見一斑而此外尺珍寸  
寶散佚多矣惜哉○黎二樵少所許可獨雅重子谷其哭  
子谷詩云使我同斯世得君誠古人小時聞孝友一往不  
溜磷可以想見其爲人

漫賦示舍弟繩武

彭澤休官日平原乞米時蕭條海外集慷慨劍南詩等是心如  
水都無境足羈數公還可作斟酌欲從誰

題友人春暉圖

潔得晨餐鯉膾肥征衣從此作萊衣綠楊滿院慈烏樂猶解將

離傍母飛

和黎二樵羊城見示之作

祖席西風晚渡雲盡拚愁送病歸人論交心許槐堂夜慰別書  
貽穗石春已証聰明成慧業可能身世便微塵多君贈我移情  
操古調相期瀕洞瀆

立秋夜作

秋意忽已動露華清滿天候蟲鳴暗壁空籟答流泉造物有搖  
落吾生殊浩然風簷坐明月一檢白雲篇

白蓮花三十首與華亭王花農舍弟顯謨同賦

錄四

羣芳空復競纖穠玉立何如太華峯楚佩香囊兼蕙茝碧城仙  
主自芙蓉樓頭五月梅花笛夢裡西湖曉寺鐘回首舊游依約  
在素衣塵浣一重重

溫泉吐玉九龍飛會亂霓裳隊裏衣寶髻半偏迷曉夢銀屏深  
拚闕清輝憑虛忽訝雲英化解語真令玉屑霏料得御橋西畔  
種分香應到省郎闈

自是仙班第一羣絕無雕飾有清芬上清鶴警金莖露太古蟲  
書冊府文却笑江妃空解佩肯隨神女慢行雲祇應清淺蓬萊  
水獨遣麻姑約畧聞

欲見猶疑面半遮似聞商女怨琵琶長檠照夜排金粟廣袖迴  
風舞石花鶴警合依王儉府龍輶初降蔡經家仙曹近選含香  
吏早晚琳宮下白麻

### 飛水潭

峭壁撐天青作圍奔泉激石疾於機陽崖陰嶺各奇絕東雨西  
雲相對飛溪鳥掠波窺石眼巖花濺沫點苔磯蕭然一條勞生

夢箕踞盤陀且振衣

嶺南羣雅

番禺劉彬華藻林輯

田上珍

字嘉穗一字西疇番禺人諸生著有自鳴詩鈔

玉壺山房詩話西疇人品高雅不慕榮利長貧多病坎壈終身歿後遺稿流傳則其及門黃蒼厓之力也其詩澀香自陸脫手如彈丸僻澁詼詼之習一掃而空之寓懷雁字諸篇久已爲時傳誦憶庚申歲西疇與余同館於陳鑑泉家一日出詩稿示余曰他日詩序必以屬君余諾之今西疇已作古人而序猶未作負吾友多矣鑑泉名廼坊順德人慷慨重氣誼急人之急有魯子敬之風今亦歸道山矣因論西疇附及之

粵秀山晚望

歸樹鳥聲喧斜陽沒遠天山圍重海恨城抱萬家烟黃屋空衰草紅雲剩暮蟬不堪懷往事搔首一茫然

秋夜館中書懷

露滴空階冷烏啼秋夜深青燈慈母夢黃葉故人心舊恨勞虛  
憶新愁入苦吟窮通原有道無事卜升沉

夜分不寐百感交集賦以自遣

霜葉紛紛墜星河耿耿幽淒涼心一寸寂寞客三秋風警鴉移  
樹燈昏雁過樓吟虫何太苦終夜伴人愁

樓上卽事

蠟嘶當檻急縱目破愁顏落日明殘水重洲失遠山野藤綠磴  
綠鄰卉壓墻殷回首陂塘外慈烏引子還

丁未重九日展兩先人墓歸途感賦

風木蕭蕭下霜天雁叫頻黃花重九日白髮失雙親展墓空餘  
涕還家暗愴神茱萸今夕酒徒向几筵陳

塾中曉起書懷

曉夢驚回鳥語譁遲遲初日映牕紗兼旬返舍翻如客經歲依  
人竟似家愁裡聽殘榆莢雨病中飛盡女郎花年來事事風情  
減懶逐王孫玩物華

詠淚二首

事去英雄輒自傷分攜終古怨河梁江南賦後頭全白夔府秋  
深菊又黃垂老班超留絕域多情司馬謫潯陽獨憐晉室諸名  
士枉向新亭酒數行

湘江竹上恨離離幾樹梨花帶雨飛古戍月明笳亂響長門燈  
暗指頻揮客從易水驅車去人自西州策馬歸今古飄零知不  
少傷心何獨漢臣衣

聽葉詹巖

道泰

談杭州山川風物之美而作

杭州風景冠三吳豪客談來欲碎壺歌舞尙傳蘇小宅江山常

展米家圖楊梅果熟甘同蜜  
蓴菜羹調滑似酥更說梨花春釀  
美十年恨不到西湖

寓懷八首

閨苑瀛洲別有天迢迢相望隔雲烟  
書成紅葉憑誰寄彈罷朱絃祇自憐  
風雨感懷寧此日瓊瑤爲報定何年  
饒他樹樹湘江竹難比青衫淚跡鮮

雁杳魚沈信息孤朱門寂寂鎖金鋪  
戲拋紅豆調鸚鵡閒檢香奩熟鷓鴣  
氣候又過寒食節夢魂常繞莫愁湖  
西池王母何時降碧藕冰桃定有無

垂柳絲絲拂曉風相思人在畫樓東  
蓮花結子心偏苦燭淚成珠色尙紅  
來往多情三月燕飛鳴無定九秋鴻  
碧城十二闌干曲夜夜蘭闌有夢通



簾掛珊瑚正晚晴朱欄倚遍不勝情口銜石闕難通語腸轉車  
輪暗有聲望斷彩雲天萬里坐低明月夜三更人間久歎知音  
少懶向花前更輒等

異樣風流別樣粧秋蘭爲佩荔爲裳消愁薄醉蒲萄酒出浴濃  
薰豆蔻湯白壁一雙何處覓明珠十斛幾時量若蘭自信多才  
思織就迴文枉斷腸

一幅鮫綃甫繡成停針聊向玉階行愁心滴碎憎宵雨好夢驚  
殘怨曉鶯月映鬟釵微見影風搖環珮始聞聲傾城消息原珍  
重肯墮紅塵悞此生

銀燈挑盡不成眠閒事關心憶往年算劫棋輸安石墅聯吟詩  
寫薛濤箋花分姊妹金盤種藥採君臣玉鼎煎今日謝庭風景  
異幾回腸斷鏡臺前

誰從天半賞朱霞絕代儀容敢自誇玉洞偶遊原是客瓊樓無  
恙卽爲家裙拖湘水千重碧髻挽巫雲一朵斜便擬吹簫騎鳳  
去羞來溪畔浣春紗

鶴

九臯時作數聲喧響徹重霄品獨尊慣避紅塵常在野若逢青  
眼也乘軒孤高只合松爲伴磊落羞同鷺並鶩舞向白雲鳴向  
月一生清潔爲誰言

雁字十首 錄三

天然墨妙軼塵氛逸氣凌霄迴不羣聲起玉關纔奮筆影臨衡  
岳忽迴文排空錯落烏雲句帶月迷離白練裙萬里風霜路迢  
遞年年染翰最憐君

不貪香稻入朱門祇愛揮毫落遠村去國客愁虛寄恨悲秋人

老儘銷魂霞邊巧弄簪花格水畔斜拖屋漏痕春蚓秋蛇無定  
相任他文士費評論

非唐非宋自成家幾度書空任整斜得勢真同翥鸞鳳驚人何  
止舞龍蛇羞隨宮女題紅葉那要山僧護碧紗日暮海天誰賞  
識行行收拾入蘆花

暮春書懷

痴雲鎖日暗長空春色啼殘鳥語中屋角綠飛鄰樹雨牆頭紅  
散落花風如能聞道何妨老若果工詩敢怨窮守拙年來同野  
叟生涯惟望歲年豐

閒居

閒居城市亦山林閱盡朝晴又晚陰好雨應時占歲穩殘花委  
地惜春深長裘萬丈香山志廣廈千間子美心虛願難酬徒自

笑遣懷惟有短長吟

石園寒夜口占

夜靜廣庭空逼人清景冷孤月破雲來犬吠梅花影

少年行二首

錄一

錦帶貂裘白玉鈎繡鞍金絡紫驂驅渭城縱獵歸來晚又上新  
豐舊酒樓

從軍行

臨洮戰罷月三更小勝單于半折兵欲裹箭創才解甲又傳軍  
令教移營

憶故居

偃蹇浮生歎所遭數椽舊却意徒勞誰知別有難忘處一樹先  
人手種桃

壯士吟

鳴鞭曾向洛陽遊  
白眼相看笑五侯  
熱血滿腔何處灑  
酒酣長嘯撫吳鉤

掃葉

昨夜庭前樹有聲  
曉來門外葉縱橫  
殷勤把帚非無意  
却恐當階礙鶴行

偶感

屏跡雲山戶懶開  
芒鞋久不踏蒼苔  
無端却被松間鶴  
引向塵寰半日來

夏日曉起卽事

忽覩新荷綠滿池  
却憐春去已多時  
杜鵑啼盡枝頭血  
燕宿雕梁總未知

春閨詞

階前新綠上莓苔  
簾捲東風倚鏡臺  
燕子亦知人意懶  
桃花開盡不飛來

嶺南羣雅

番禺劉彬華藻林輯

梁殿珍

字符章號璜溪番禺人歲貢生

古別離

美人顧瑤草端坐彈鳴琴明月千里來照此離居心此心何徘徊  
佳期渺天末春樹古城深暮雲清江濶亭亭青霞表神仙開  
玉堂蛟龍護鸞鏡翡翠樓明璫長歌待君來暖響浮雲熱蘭佩  
結同心惆悵清香發眷言灞陵岍風笛長短亭蒲帆南浦碧琴  
轡空山青歲晏孰華予流鶯啼不歇爲君酌金罍謝此雲間月  
次陳仲卿新秋有作原韻

簾幕濺花雨庭院飄荷風遙心佇靈鵲逸興先賓鴻眷言誦新

咏對此懷幽衷芳情襲蘭畹爽籟浮筠叢邇來說風雅強半填  
青紅徒知章臺柳尙乏吳江楓佳篇獨秀擢進境將焉窮頗怪  
百尺樓亦感三秋蓬離憂莽鬱邑妙墨翻冲融誰云歡樂語不  
似窮愁工西昆鞠茂草東野號寒蟲如何摩天刃奏取長城功  
此意屬秋迥高懷渺天空遙知黃金臺待挂扶桑弓

與黃半縑會於桐閣賦詩而別既至桷麓而黃書適至  
中有二詩寄余其一則寄凌子暘谷也爲次韻以復  
之兼約暘谷同作

去留無定竟何之柳外亭臺竹外扉暫慰窮途偕小隱強隨修  
翮擬高飛徒愁莫荐相如賦不受人憐范叔衣終把漁竿賦歸  
去壯心回首恐全非

霞珮雲冠信所之時違無計掩柴扉百年身世遲龍戰終古關



河有雁飛客館雄談誇麈尾衡門清淚溼牛衣情腸俠骨應難  
料爲待圖南定是非